

Oruzaaro Rw'enjoka  
Jeffersonville, Indiana, USA  
Okwamwenda 28, 1958

1 . . . Ruhanga, Ruhanga omukuru kandi ow'amaani, Owaahangire ebintu byona ahabw'amaani g'Omwoyo We; mbwenu areetsire Yesu Kristo, Omwana We omwe nyamunegyere, Owaayehaireyo akafa ahabwaitu abasiisi, Ohikiriire ahabw'abatahikiriire, kutugarukanisa ngu tugarukye omuri oku kukwatanisa okw'okutangaaza oku tugarukire kugira na Ruhanga. Nk'oku turikwegyesibwa omu Kigambo ekihairwe omugisha, ngu tukaba nitukwatanisa Nawe ensi etakahangirwe. "Obu enyonyoozi z'akasheeshe zaayeshongorera hamwe, n'abaana ba Ruhanga bakateera akaari k'okushemererwa, kare munonga ensi etakahangirwe." Nitumanya tutu ngu obwo tibwo bwabaire buri obwire obwo bumwe obu Omwana gw'Entaama yaitwa; ngu obu Ruhanga, omu kuteekateeka Kwe okukuru, yaatureeba nituteera akaari kandi nitushemererwa okujunwa kwaitu okuri omuri Yesu!

Kandi, ekiro eki, twine omurozo gwonka gw'ekyo kitinisa kikuru ky'Obwaruhanga ekirishuururwa aha Kwija Kwe okwa kabiri. Endwara zoona n'enaku biryahwaho. Obwo turyagira omubiri ogurikushushana n'omubiri Gwe ogw'ekitiinisa, ahabw'okuba Turyamureeba nk'oku Ari. Hanu twaba nitureeba emikono yaaitu neehwa amaani, amashoky gaitu nigahinduka enju, n'amabega nigabendabenda, nitumanya ku turi abantu abafa kandi aboorekyereire kuza omu mucuucu ahu emitwe yaitu einikirwe neereeba hati, kandi omu twarugire. Kwonka, Mukama Ruhanga, buzima nk'oku Ori Ruhanga, Okaraganisa ngu turyazoorwa omu biro by'aha muheru, kandi nitukiikiriza.

2 Twemereire tuhamize n'okwikiriza kwaitu ekiro eki turi omu Kubaho Kwawe, nitwija n'obumanzi ahabw'okuba Yesu akaturagiira kukikora. Atari ahabw'ekintu kirungi kyona eki tukozire, ahakuba tihariho kirungi na kimwe eki tukozire; kureka twaija n'obucureezi, nitwatura ku twine eky'obutungi eki ahabw'embabazi Ze ezaatuhairwe. N'ahabw'ekyo, twaija nitushaba ngu Otuhe omugisha ekiro eki omu kureeta Ekigambo. Ahakuba kikahandiikwa, ngu, "Omuntu tatungwa by'okurya byonka, kureka n'Ewigambo kyona ekiruga omu kanwa ka Ruhanga." Mbwenu reka akanwa ka Ruhanga kagambe ekiro eki. K'ebigambo birugyemu, kandi ninshaba ngu Bitaaher omunda hare omu mitima yaitu, itwe abahurikiza, reero twijuzibwe Omwoyo Waawe n'Okubaho Kwawe. Twabishaba omu Iziina rya Yesu. Amiina.

3 E-ekiro eki na nyomwabazyo, nyekiro, nimmanyisa, n'erizooba, tubaire nitugamba aha ishomo, okubanza, okuriha omutwe, Ahabw'enki Tutari Kigombe Ky'Ediini. Kandi turigumiize kimwe, ahabw'enki tutari kigombe ky'ediini, kandi ahabw'enki tutarikwikiriza omu bigombe by'amadiini. Ahabw'okuba, nitukishanga omuri Baiburi, ngu ebigrumbe by'amadiini tibiratairweho Ruhanga na kakye; bikateebwaho sitaane; kandi tukihamize na Baiburi. Kandi n'oku ngu, okurabira omu bigombe by'amadiini, niharugamu enshobe. Hati nitugamba eki kugorora enshobe n'okuhitsya Tabirinaakuru egi omu kukwatanisa omu Kigambo kya Ruhanga ekihairwe omugisha. Kugira ngu, amatsiko gaitu tigombekirwe aha bi ebigrumbe by'amadiini birikugamba, nari ebi omuntu weena arikugamba; gombekirwe aha bi Mukama Ruhanga yaagambire. Kandi ogwo nigwo muringo gwonka ogu turikubaasa kugororwa kurungi.

4 Akasheeshe aka, mbaire nyine ebintu bitaano, niinyikiriza, ebintu ebitarikushushana ebirugire omu bigombe by'amadiini, buzimazima ebitagambirweho omuri Baiburi, ebi amakanisa g'Abapurotesitante garikwinamira, kandi gakabyegyesa nk'enyegyesa; nibyo bimwe ebi nyina wa baamaraaya owa ira, ekanisa Enkatorika ebuurira, byarugamu byataaha omu kanisa y'Abapurotesitante. Naitwe nitwinamira ekintu nikyo kimwe ekirikhakanisa hoona omu Kigambo kya Ruhanga.

5 Ekanisa y'ekigombe ky'ediini ey'okubanza, tugireebire eihangwe eri omu byafaayo by'abakuru ba Niika, by'ekanisa ya Niika. Bwanyima y'okufa kw'ezo ntumwa, nibwo haija abakuru ba Niika, kandi bakagumizamu kumara emyaka mingi. Emysaka magana ashatu na makumi abiri n'etaano, aha muheru ba-baahika Niika, Bufaransa, ahu baagiriire o-orukiiko rukuru rwa Niika. Kandi omuri orwo rukiiko bakagunja ebi bigunjano ebi ekanisa Enkatorika eine hati, kandi nibyo ebyahairwe Abapurotesitante.

6 Kandi nk'oku naagamba omu-omu kwegyesa akasheeshe aka, buri busingye omuri obwo busingye bw'ekanisa, kugumizamu kuhika ahari obwo-ahari obwo busingye bw'ekanisa ya Tesalonika, egoy myaka rukumi na magana ataano y'obusingye bw'omwirima, tihariho omurundi na gumwe kureka ogu Yaagambire ati, "Mukiine Eiziina Ryangye."

Kandi aha rubaju oru orundi, bakaba batakiri omuri Kristo, bakarugayo baine iziina ry'ekigombe ky'ediini, "Katorika, Luteeri, Wesili, Baputisiti, Puresibateeri, Pentekoote," n'okugumizamu.

Kwonka obusingye obwo butakahweireho, Akagira ati, "Ntaire omu maisho gaawe orwigi orwigwire." Mwareeba? Kandi obwo nibwo busingye obu turikwikiriza ngu turimu hati hati, obusingye bw'orwigi orwigwire, rwagati y'okurugaho kw'aha muheru kw'ekanisa ya Laodikea.

7 Kandi buzima n'emyaka magana ashatu na makumi abiri n'etaano kuhika aha rukiiko rwa Laodikea. Kandi omwo nimwo baataahiizemu ebigunjano ebi eky'okureeberaho okumiisiira, okushukaho, n'okubatiza kw'ebishuba, omwoyo orikwera w'ebishuba, n'ebintu ebi ebindi byona. Bakabitaasyamu.

N'ahabw'ekyo obwire obu Luteeri, ahabw'okuba omusaserdooti, aruga omu kanisa Enkatorika, akarugamu n'ebintu ebi. Kandi kuruga omwo haija Zwingli, omuri Zwingli haarugamu Calvin, omuri Calvin haarugamu Wesili,

oo, n'okugumizamu. Kandi nibagumizamu kuheerezana ebyo bigunjano. Mbwenu Ruhanga naabaasa ata kwebembera Ekanisa Ye, kunu barikukurata emihanda ei Atarabateereireho kwebembererwamu nangwa na kakye?

8 Kandi mwijukye, omu Kushuururuwa 17, tukareeba "omukazi ogwo." Hati ebigambo ebi byorekirwe butunu. Bihandiikirwe omuri Baiburi, n'ahabw'ekyo nintekateeka ngu nimbaasa kubigamba. Nibigira ngu omukazi ogu akaba ari "maraaya." Ekyo nikimanyisa ngu akaba ari omukazi w'emicwe mibi; ngu akaba ashemereire kuba aine iba, kwonka yaashambana n'ensi. Kandi akaba aine . . . Akaba ari "NYINA WA BAAMARAAYA," n'ahabw'ekyo akaba aine abahara. Naitwe tukyorekire nk'oku kiri, ahabw'oku . . . Nyowe, ahabw'okukireeba omu Byahandiikirwe, ahabw'okureeba enyegyesa ze na buri kimwe, niinyikiriza ngu Mukama akishuuruuriire kimwe, ngu egyo tekaabaasa kuba endijo kureka ekanisa Enkatorika. Okwo nikwo kirikubaasa kuba. Ekazaara ki? Amakanisa g'Abapurotesitante. Buzima, niyo yaagazaire.

Kandi akaba aine omu ngaro ze ekikopo kya viinyo y'obushambani bwe, kandi akaba naaginyweisa abagabe b'ensi. Kandi akaba naatagyeka ensi yoona, omu migambire y'omwoyo. Kandi ekyo kihikiire kimwe. Tihariho ndijio . . .

9 Reeba, reka, nitubaasa kugaruka omuri Danieli tukwate ekishushani kiri. Reeba ekishushani kiri: omutwe gw'ezaabu, obugabe bwa Babulooni; omuringa . . . nari efeeza, Abameedi n'Abaperesi; omuringa, Alexander Mukuru, n'abandi, obugabe bwa Bugriika; bwanyima obugabe bw'Abarooma, Rooma eya Burugwa-izooba na Burengyerwa-izooba, ebyo bigyere bibiri.

Kandi yetegyereze omuri obu bugabe ikumi, buzima oburikwija n'ago mahembe ikumi agu twaba nitugambaho akasheeshe aka, omuri buri bugabe ahari obwo bugabe ikumi obwabaire nibuza kubaho, hakaba harimu eibumba n'ekyoma bijwangire hamwe. Kandi ekyo kyoma kikaruga omu maguru, niyo yaabaire eri Rooma. Kandi harimu emitwarize y'Ekirooma enjwangire omuri buri ihanga eriri ahansi y'Eiguru, kurabira omu kanisa Enkatorika. Ekyo buzima kihikire. Kandi tibaakujwangaine, ahandi hoona.

Kandi bakaataasyaine, bonka na bonka. Baiburi ekagira ngu baryakikora. Mbwenu bareebe ebiro ebi.

10 Mutabani waawe akundane n'omuhara w'Omukatoriki; ku baraaze kutaasyana, nibateekwa kuragaana ku nibaza kworora abaana baabo kuba Abakatoriki; mwareeba, n'omwishiki nikwo okwo. Mwareeba, n'okumara amaani g'ondijio.

Kwonka niki? Baiburi neegira ngu ekyo kintu kyona ni maraaya. Hati shi nimuza kukora ki? Ekyo kihikire. Kandi n'oku ebibi by'abantu birifubirwa . . . Tukagarukayo omu Ky'Ebiragiro, okworeka ngu omwana w'ekinyandaaro, omwana ekizaarwa, nangwa akaba atarikubaasa n'okutaaha omu kuteerana kw'abantu ba Mukama okuhitsya aha ruzaaro rwakyo rw'omwijkuru wa ikumi na bana. Ekyo kikaba kiriho omu bwire bw'ebiragiro. Kandi Kristo akaija kuhangusya ebiragiro. Hati tikirikukiraho munonga?

11 Mbwenu n'enki ekibaire ahari aba, abakazi bakye b'omurembe aba babaire ki abari aha nguuto z'omu rurembo ebiro ebi, aba bakazi bakye abarikureetsa sigara, abakazi b'omurembe abajwaire ebijwaro bigufu munonga, abategire amashokye, n'ebindi? Ekintu ekyo niki? N'ahabw'okuba baanyinabo bakawaza batyo. N'okuturwa, obugomi, kuruga aha busingye kuza aha bundi. Ekyo nikyo kiri. Mbwenu tutungire ki? Tuhikire ahu, kitari kindi kureka orujwangye rw'omuzambaaro gw'ekibi.

12 Egyo niyo nshonga etumire Ruhanga yaimutsya Rasha, okwo, na bomu ya atomiki kugicwekyerereza kimwe, nk'oku kyabaire omu biro ebyabandiize omwegyemure, obu Yaimutsya ebicu. Buzima, akikozire. Kandi na Baiburi nikwo erikugira. Rasha, eihanga ry'abakaafiri nk'oku bari, abatarikwikiririza omuri Ruhanga, buzimazima n'ekikozeso omu ngaro za Ruhanga ow'Obushoboorozi bwona. Nk'oku Omugabe Nebukadeneeza yaatairweho kucwekyereza Israeli ahakuba bakanga kugyenda na Ruhanga, Rasha eimukiire kimwe "kuhoora enzigu abarikwera," aha kanisa Enkatorika, ahabw'eshagama y'abarikwera ei yaasheeshire. Baiburi nikwo erikugira. Neeza kwihihaho ekintu ekyo kyona.

13 N'ahabw'ekyo reeba hanu, nyina ku araabe yaabaire ari omuzini wa disiko, na nyinenkurubo, na nyina yaabaire ari maraaya, eriizooba ari ata? Omuziini wa disiko ojwaire busha. Abaana be nibaza kuba bata?

Kandi nimugira muti, "Ekyo Ruhanga akikora?" Eego, sebo.

Ruhanga atura abaana eby'okushiisha, obusingye, nangwa n'obusingye bwa ikumi na buna. Mbwenu Kristo ku araabe yaizire kubihangusya, tukaagira tuti, "Obusingye igana, nari obusingye magana ataano." Ahabw'enki, Akagira ati, "Aba ira, mukabahurira nibagamba, abo aba ira bati, 'Otariita.' Nimbagambira nti, 'Omuntu weena origwerwa kubi mugyenzi we, ahabwa busha, yaaherize kwita.' Mukabahurira nibagamba, abo aba ira bati, 'Otarishambana.' Kwonka Nyowe nimbagambira nti, 'Orikureeba omukazi akamwetenga, biri aherize kumushambanaho.'" Akakikora . . . Okuhangusya niki? Kukikora kihango munonga emirundi mingi. Mbwenu omu biragiro ku buraae bwabaire buri obusingye ikumi na buna, ekintu ekyo nikiija kutwara omwanya ogurikwingana ki ebiro ebi?

14 Kandi abatsigazi, abashaija b'emyaka ya rwagati, n'abashaija abashweire tibakita kitinisa omu ndagaano

zaabo z'obushwere na kakye. Ahabw'enki, nibatwara abakazi batuura nabo ahantu hoona ahu baabona, nk'embwa z'obutoosha. Embwa eine ekitiinisa kingi n'emiciewe mirungi munonga okukira eiabantu bamwe baine. Kandi nimmanya ngu ekoy kishambire munonga, kwonka kyo n'amazima.

Ahabw'enki? Kandi amakanisa nigagumirizamu kimwe kandi tigaine eki garikukigambaho. Ahabw'enki? Nibatwaza nk'oku nyinabo akora. Amakanisa gakihungura. Habw'okuba, egoy kanisa hamwe n'ekanisa egi ey'Abapurotesitante zikaruga omu kanisa Enkatorika, ebibi by'ekanisa Enkatorika nibirurwa Abapurotesitante. Buzima, nikwo kiri, n'ahabw'ekyo enyungu terikubaasa kweta ebinika ngu "n'endofa." N'amazima gonyini.

15 Hati nitushanga ngu, kandi n'omu Byahandiikirwe, tureebire ngu . . . Kandi tinaareeba kihandiiko na kimwe aha meeza ekiro eki. Naagizire nti, "Nyoreka omwanya gumwe ahu Ruhanga araataireho ekigombe ky'ediini. Nyoreka omwanya gumwe ahu Ruhanga areemekire omukazi omubuurizi. Nyoreka omwanya gumwe ahu Ruhanga yaataireho okumiisiira amaizi. Nyoreka omwanya gumwe ahu Ruhanga yaataireho okushukaho amaizi. Nyoreka omwanya gumwe ahu Ruhanga araaragiire omuntu weena kubatizibwa omu iziina rya 'Isheboona, Omwana, Omwoyo Orikwera.' Musherure ebintu ebyo." Kwonka nabwo nitugumizamu nitubikora. Buzima biri omu kanisa honyini. Hati, nkagira nti, ni . . .

16 Hati, ngizire nti, enhonga eyaatumire tutaaba Ababaputisiti, n'ahabw'okuba nitwikiririza omu kubatizibwa omu Iziina rya Mukama Yesu Kristo. Tihakabahoga n'omwe, omuri Baiburi, owaabatiziibwe omu muringo ogundi gwona. Nyoreka ahantu hamwe ahu omuntu yaabatiziibwe omu iziina rya "Isheboona, Omwana, Omwoyo Orikwera," ninza kwimutsya emikono yangie ngire nti ndi nabi w'ebishuba.

Kandi Baiburi ku eraabe neegira ngu nooteekwa "kubatizibwa omu Iziina rya Yesu Kristo," ekoy nikimanyisa ngu nooteekwa kukikora otyo. Paulo akabaragiira kugaruka kubatizibwa. N'obu baakuba baabaire babatiziibwe bata, bakaba nibateekwa kwija, bakagaruka bakabatizibwa. Bakaba babatiziibwe n'omuntu omwe owaabatiziibwe Yesu Kristo; Yohaana Omubatizi. Yaagira ati, "Ekyo tikirigaruka kukora. Nimuteekwa kwija, mugarukye mubatizibwe." Kandi bakaba nibateekwa kukikora batakahairwe Omwoyo Orikwera. Ekaba eri puroguraamu ya Ruhanga.

Nimbaasa kutaaha omunda kakye okukira aho, ekiro eki. Ahabw'enki? Yesu arinda Ekigambo Kye. Ekyo nimukiikiriza? Hati, haihi mwena mwaba muri hanu akasheeshe aka, kwonka niinyenda kuguma ahari ekoy kakyeho.

17 Ahabw'enki Paulo yaara- . . . yaaragiire ekoy kyaherize kukorwa? Paulo akagira ati, "N'obu yaakuba Maraika orugire omu Iguru akaija akabuurira ekindi kintu, akyeenwe."

Hati nimugira muti, "Tukiineho Omushana musya." Ngaaha, timugwine. Ekyo nikyo sitaane yaareeteire Haawa, Omushana musya. Torikwetenga Omushana musya gwona. Oshemereire kugyendera omu Mushana ogu Ruhanga yaaherize kuta hanu, nikyo ekoy kyonka.

18 Hati reeba eki, oku kyanguhi munonga. Ku baashuumire nibaruga aha Rushozi rw'Okuhindurirwaho, Yesu akabuuza, abeegi Be ati, "Beitu abantu nibagira ngu nyowe Omwana w'omuntu ndi oha?"

"Omwe akagira ngu Ori 'Musa, nari Eliya, omwe ahari baanabi."

Yaababuuza ati, "Imwe mugira ngu mba oha?"

Yaagamba, Petero yaagira ati, "Ori Kristo, Omwana wa Ruhanga ohuriire."

Yaamugarukamu ati, "Oine omugisha, Simooni, mwene Yona; ahaw'okuba omubiri n'eshagama tibyo byakushuuruurira ekoy." Mwareeba, tikirikuruga omuri zaaseminaariyo. Tikirikuruga omu bigombe by'amadiini. "Omubiri n'eshagama tibyo byakushuuruurira ekoy. Torakyegire omu ishomero ry'ebi'ediini ryona. Kureka Tata, ori omu Iguru, niwe yaakushuuruurira ekoy. Naanye ndyayombeka Ekanisa Yangye aha rukiri oru; n'amarembo g'okuzimu tigarigibaasa," okushuuruurirwa kw'omwoyo kw'eki Ari.

Yetegyereze, "Kandi ninkugambira nti ori Petero. Kandi Ndyakuha ebishumuruzo by'Obukama. Eki oriboha omu nsi kyona, Ndyakiboha n'omu Iguru; eki orikomoorora omu nsi kyona, Ndyakikomoorora n'omu Iguru." Hati, Akaba naateekwa kurinda Ekigambo Kye kitari ekoy Akaba atari Ruhanga.

19 Hati, kandi ku Yaakozire ekoy, bwanyima y'ebiro bikye; Akabambwa, yaazooka, yaatomba omu Iguru, reero Petero yaigura Engiri aha Izooba rya Pentekoote. Akakikora? We, buzima, akakikora. Hati reeba, obu yaabaire . . .

Boona bakaba nibabashungisa, ahaw'okuba bakaba bajjwire Omwoyo. Bakeetwa "abarikureeta okwecwamu ebicweka omu kanisa, abarikwera abeekuringa ahansi," nari eiziina eriri nk'eryo. Kandi nangwa bakasheka, baagira bati, "Aba basinzire viinyo y'omutahe."

Reero Petero ayemereire ahagati yaabo, yaagamba n'eiraka rihango, yaagira ati, "B'eishe-emwe, muhurire eiraka ryangye. Muhurire ebigambo byangye kandi mumpurire. Aba tibasinzire, nk'oku murikuteekateeka ngu basinzire, ahakuba hati ezi ni shaaha ishatu za nyomushana. Kureka eki nikyo kyaragwirwe nabi Yoeli naagira ati, 'Omu biro by'aha muheru, Ndyashuka Omwoyo wangye,' n'eki Arikora ahari batabani Be, na bahara Be, n'abazaana

Be, n'abandi, omu biro ebyo."

20 Kandi ku baatandikire kuhurira eki, baacumitwa omu mitima yaabo. Ahakuba, bakahurira omuntu owaabaire atarikumanya za ABC ze, kwonka nabwo bakaba nibateekwa kumuhurikiza kurungi, n'okumanya ngu akaba aine Ekintu omuriwe, ekirikumwotsya, Omwoyo Orikwera. Omuzibire? Ahabw'enki, kikaaba kiri nk'okugyezaho kuraaza omuriro, aha kyombeko ekyomire, aha izooba ry'omuyaga. Tokaabaasize kumuzibira. Akaba aijwire Omwoyo Orikwera. Mbwenu hati akakora ki?

Bakabuuza bati, "Mbwenu, b'eishe-emwe, tukore ki kugira ngu tujunwe?"

Hati yegyendesereze, Petero, oine ebishumuruzo by'obukama. Mwareeba?

Hati, Yesu ku yaazookire aha kiro kya kashatu, Akaba ataine bishumuruzo by'Obukama bw'omu Iguru. Ekyo mubaire nimukimanya? Akagira ati, "Nyine ebishumuruzo bya rufu n'okuzimu," kwonka bitari by'Obukama, ahabw'okuba bikaba byahairwe Petero.

21 Hati Akagira ati, "Petero, eki orikomoorora omu nsi kyona, Ndyakikomoorora n'omu Iguru. Eki oriboha omu nsi, Ndyakiboha n'omu Iguru."

Hati ngugu hanu ayemereire n'ebishumuruzo, kukomoororera ensi ekintu eki ekihairwe omugisha. Kandi hanu aine ebishumuruzo omu mukono gwe. Kandi nibabuuza bati, "Tukore ki kugira ngu tujunwe?" Hati, n'obu entumwa yaakuba yaagambire ekintu ki ngu kikorwe, Ruhanga naateekwa kukiikiriza omu Iguru, ku Araabe yaamuhaire obwo bushoboorozi.

Hati Petero akagira ati, "Mweteise, mwena, mubatizibwe omu Iziina rya Yesu Kristo mubone kusaasirwa ebibi byanyu; kandi nimwija kuheebwa ekiconco ky'Omwoyo Orikwera." Tikwo kiri? Kandi ego niyo nshonga eyaatumire ebishumuruzo ebyo byakinga Eiguru aha iziina erindi ryona, omuringo ogundi gwona, endijo yoonakenkora endijo yoona. Kikakinga omu nsi, kandi kyakinga n'omu Iguru, kitari ekyo Yesu tarahikiriize Kigambo Kye ahari Petero. Kandi buri hantu omuri Baiburi ahu baabatiziibwe, bwanyima y'aho, bakabatizibwa omu Iziina rya Yesu Kristo. Kandi abo abaabatiziibwe ekyo kitakabaireho, kikabeetaagisa kwija kandi bakagaruka kubatizibwa, omu Iziina rya Yesu Kristo, kutunga Omwoyo Orikwera. Ekyo kihikire. Na hati nikwo kiri.

22 N'ahabw'ekyo, ku turaabe nitwegyesa okubatizibwa omu iziina rya "Ishebona, Omwana, n'Omwoyo Orikwera," n'obunabi bw'ebishuba. Hati tindikwenda kubashaasha, kwonka ninEEKWA kukihamisiriza munonga kugira ngu ekanisa egi ekyetegyereze. Tituri hanu nk'ekibiina ky'abashema abateegire; nitumanya ahu twemereire omu Kigambo kya Ruhanga. Mwareeba, nitumanya. Nimpiga omuntu weena kuunyoreka omwanya gumwe ahu omuntu arabatiziibwe omu Iziina rya "Ishebona, Omwana, n'Omwoyo Orikwera." Hati shi mwaza kuhurikiza obunabi bw'ebishuba nari Amazima? Sherura omu Byahandiikirwe. Kiri ahariiwe.

Nyoreka ahu omuntu omwe omuri Baiburi, ahu ekanisa ereemekirwe kuba ekigombe ky'ediini omuri-omuri Baiburi. Nyoreka omuri Baiburi ahu bareemekire omukazi omubuurizi. Nyoreka omuri Baiburi ahu ebintu ebi byona, ebi twaba nitugambaho, ahu byatairweho omuri Baiburi. Tibirimu. Ngambira omwanya gumwe. Nimuza omu kigombe ky'ediini . . .

23 Mpaho, Abametsodisiti ku baimukire, baabuurira okwezibwa. Ekyo ni kirungi. Kwonka, ku baakozire ekyo, baakora ekigombe ky'ediini, reero baamara. Niyo nshonga Baiburi erikugira eti, "Oine eiziina."

Noogira oti, "Ndi Omukristaayo."

"Kare, ori omu kigombe ky'ediini ki?

Noogira oti, "Ndi Omumetsodisiti," ahabw'enki, obwo ori maraaya. "Ndi Omubaputisiti," ori maraaya. "Omupentekoote," ori maraaya. Ori ow'ego kanisa.

Oshemereire kuba owa Kristo. Toshemereire kuba noogira oti, "Metsodisiti," "Baputisiti." Ku oraabe ori Omukristaayo, ori Omukristaayo omu mutima.

24 Buri kimwe ahari ebyo bigombe by'amadiini nikibaasa kuzaara abaana, abaana ba Ruhanga, ekyo kihikire. Kwonka ku oraabe nooteekateeka ngu oryaza omu Iguru ngu ahabw'okuba ori Omumetsodisiti nari Omubaputisiti, ogwire. Kandi ego niyo nshonga erikutuma twaguma aheeru y'ekintu ekyo.

Ahabw'enki Ababaputisiti batarikubaasa kureeba?

Nkabuuza omushaija w'Omumetsodisiti hanu, naahandiika ekihandiiko ky'okushoboorora enshonga, eki yaahandiikire ira. Yaagira ati, "Ekintu kyonka eki turikuwa naiwe, nookwatanisa munonga n'Abapentekoote."

Naamubuuza nti, "Ba 'itwe' ni baahi?"

Ati, "Itwe, Abametsodisiti."

Naagira nti, "Kare, naaza kukugambira eki ndaakore. Ninza kwija omu rurembo rw'owaanyu reero

Abametsodisiti barushagikye."

Ati, "Oo, tihariho kubanganisa, ekyo titukaakikora."

Naagira nti, "Ekyo-ekyo nikyo naaba nintekateeka. Ninkwatanisa n'Abapentekoote ahaw'okuba Abapentekoote nibakiiriza. Nikwo kiri. Nibakishagika. Nibo baine ebi barikugashirwamu."

Ni bangahi abashomire ekyo kihandiiko omu katabo k'amahurire aka Life, ijweriho aha, aha kanisa y'Abapentekoote? N'emwe aha birikukirayo kutangaaza omu busingye obu. Baine baingi abu barikureeta ahari Kristo buri mwaka okukira agandi makanisa waagakwatirana. Ahaw'enki? Nangwa n'omu nshobe zaabo, Ruhanga naagumizamu kubashembutsya, 'habw'okuba bakaikiriza Amazima kandi nibagyenda omu maisho Nago. Ago n'Amazima.

25 Kwonka nitukora ki hati? Mwareeba? Egyo niyo nshonga tutari kigombe ky'ediini. Kandi buzima nk'oku Abapentekoote beekoziremu ekibiina ky'ediini . . .

Kandi kunu enyima okwo, obu Omwoyo Orikwera yaabanza kushukwa aha kanisa y'Abapentekoote, emyaka makumi ana ehwire, bakatandika kugamba omu ndimi, kimwe ahari ebyo biconco. Ekyo nikyo kiconco kikye okukira ebendi byona. Kurugiirira ahari Paulo Orikwera, okugamba endimi, nikyo kiconco ky'ahansi munonga. Ahonaaho ku kyaizire, "Oo," baagira bati, "Twamutunga hati," reero baakora ekigombe ky'ediini, Orukiiko rwabo Rukuru, nirwo hati Assemblies of God. "Oo, tihariho n'omwe Omwine kureka waagamba omu ndimi," reero Ruhanga yaabarugiraho kimwe, yaabareka baashutami hangahari. Buzima. Eego, sebo.

26 Bwanyima haja ab'Obumwe, baamanya okubatiza omu Iziina rya Yesu. Baagira bati, "Oo, Twamutunga," baayekoramu ekibiina ky'ediini. Bakakora ki? Ruhanga akabarugiramu kimwe yaabareka bashutami aho.

N'ekya, "Weena orikwenda, aije."

Mwareeba, ab'Obumwe tibabaasa kuza omu ba Assemblies. Aba Assemblies tibabaasa kuza omu b'Obumwe. Ngambire na bamwe aha bantu barungi munonga abu baine, Omw. Goss, na Dokita Papa, n'abandi baingi. Abo bashaija abari abashaija rugambwa omuri . . . Nkashutama nawe. Naagira nti, "Noobaasa ota kwegyesa ako kamanyiso k'okubandizaho, kunu ori omuntu oyegire?"

"Mbwenu," yaagira ati, "Ow'eishe-emwe Branham," omwe, babiri, nimmanyisa bashatu aharibo, bakaba bari ab'amazima munonga, baagira bati, "Nitumanya ngu ekyo kigwire, kwonka shi tukore ki? Ku turaagire eki twakigambaho kyona hati, ahaw'enki, nikiza kutariza puroguraamu yoona." Buzima, kandi toraaze kuguma ori biishopu, nari omureeberezi mukuru. Ekyo nikyo kiteekateeko.

27 Ow'eishe-emwe, haakiri ngire miishoni nkye aha keekubo, nari mbuurire ahansi y'omuti gw'omuberooshi, kwonka nyine Amazima, buzima, kandi manye ngu noogamba Amazima. Abantu nibenda Amazima. Kandi noogyemwa, nk'Omukristaayo, kujurira Amazima. Ruhanga aryagakujunaana.

N'ahaw'ekyo, aha bintu ebi, ku oraabe otakabatiziibwe omu Iziina rya Yesu Kristo, kandi otakakozire ebintu ebi, kandi otakahairwe Omwoyo Orikwera . . .

Noogira oti, "Oo, nkagamba omu ndimi." Ekyo tikirikumanyisa ngu oine Omwoyo Orikwera.

Ndareebire abarogi, abakyekyezi, baadaimoni, n'abandi boona, nibagamba omu ndimi. Buzima. Tibaine Omwoyo Orikwera, kandi ekyo nimukimanya. Eshagama baginywera omu mpanga y'omuntu, bazina, beeta sitaane, kandi bagamba omu ndimi. Buzima. Tibaine Omwoyo Orikwera.

N'ahaw'ekyo, 'habw'okuba ogambire omu ndimi, ekyo tikirikumanyisa ngu Omwine. Omuringo gwonka ogu orikumanya ngu Omwine, n'obu omwoyo waawe aikirizana n'Omwoyo We, n'ebiana by'Omwoyo bikakukurata: rukundo, okwikiriza, okushemererwa, obusingye, okugumisiriza, oburungi, obucureezi, okutwaza gye. Obwo nibwo orikumanya ku oine Omwoyo Orikwera. Naayejuririra We wenka.

28 Hati, ku oraabe noogyezaho kwesiga, ngu ahaw'okuba ori owa Assemblies, nari Omubaputisiti, nari Omupuresibateeri, nooreeba eki orikuba nookora? Nooba nootwara eiziina rya maraaya. Ekyo kihikiire kimwe. Rubga omuri ekyo kintu. Kize hare. Tindikumanyisa kuruga omu kanisa yaawe nari ekintu kyona; kora eki orikwenda ahari ekyo. Kwonka rubga aha kwegamira kugira oti, "Oo, ndi Omupuresibateeri. Titurikwikiririza omu biro by'eb'yamahano." Ahaw'enki otarikukiirkiriza? Baiburi neekyegyesa. "Oo, ndi owa Church of Christ. Nibagira ngu obwire by'eb'yamahano bukahwaho." Ni banabi b'ebishuba.

Nimbaasa kukworeka ahu Yesu Kristo yaahaire Ekanisa Amaani, g'okutambira abarware, n'okuzoora abafu, n'okubinga baadaimoni. Nimpiga omuntu weena kuunyoreka Ekyahandiikirwe omuri Baiburi ahu Yaagaihire omu Kanisa. Ekyagaihiremu niki? Ekigunjano kyanyu, buzima, ti Kigambo kya Ruhanga. Omwoyo Orikwera akiriyo naakora omurimo ogwo, naagumizamu kyarimwe nka butoosha, kandi Aryagumizamu ebiro byona.

Egyo niyo nshonga ahaw'enki tutari kigombe ky'ediini, "Baine enshusha y'okutiina Ruhanga, kwonka nibahakanisa Amaani Ge; abantu nk'abo obeetantare." Titurikwikiririza omuri ekyo kintu.

29 Hati, kikatandika kita? Nituteekwa kurahusyaho reero tukihikyeho jubajuba nk'oku kirikubaasika hati, oku kyatandikire. Hati twine Ebyahandiikirwe bingi ebihandiikirwe hanu ebirikukwata aha Mwoyo Orikwera.

Kandi ekindi kintu, tuhigire ekiro ekihweire, aha “kugumisiriza kw'abarikwera,” atari nk'oku Ababaputisiti barikukiikiriza. Ngaaha, sebo. Buzima nintaana n'Abaputisiti n'ekiteekateeko kyabo, ky'enyegyesa yaabo ya Kaluvini. Buzima tindikwikirizana n'Abapuresibateeeri. Tindikwikirizana n'Abametsodisiti aha ntwaza yaabo y'enyegyesa eya Armenia. Eego, sebo. Kwonka bombi baine amazima makye, kwonka nooteekwa kugigarura Hanu ahu gari Amazima. Ku oraaze aheeru okwo, noobura nayo. Buzima.

30 Ababaputisiti nibataahamu, babatiza omushaija n'omukazi we hanu, nibabaibika omu maizi; kandi omubuurizi ababatiza, mwenda ahari ikumi nibareetsa sigara, bagaruka beemerera okwo, bazaana kyanisi, bateera empaka z'okutaho omusingo ekiro kyona, bazengyerera, bakora magyendo; n'abakazi boona bajwaire ebijwaro bigufu munonga aheeru hanu, nibazengyerera omu nguuto z'omu rurembo, kandi nibashara eishokye ryabo, niba-nibareetsa kandi nibagaaniira, amagyenyi makye g'okushona, n'okugamba ebirikwitsa enshoni. Reero obwo nimubweta Obukristaayo? Nimuteekateeka ngu mwine oburinzi Obutahwaho? Muryaza Okuzimu mutyo. Timukaabaasa kushemerererwa Eiguru omu muringo gwona. Buzima ngaaha. Obwo ti burinzi Obutahwaho.

Kwonka omuntu ku aba azairwe obwa kabiri n'Omwoyo Orikwera . . .

Kandi imwe Bapentekoote 'mwe, 'habw'okuba ngu mukagurukaguruka, mwagamba omu ndimi, mwairuka oku n'oku omu kahanda ka rwagati y'entebe, ekyo tikirikumanyisa ngu mwine oburinzi Obutahwaho. Ekyo mutarikita omu biteekateeko byanyu. Ngaaha, sebo. Buzima tikirikumanyisa ekyo. Ahabw'okuba, noomanya ngu amagara gaawe-gaawe gonka nigakujuririra, ngu tori gye na Ruhanga. Ekyo kihikire. Tori gye. Obwo ti burinzi Obutahwaho, tibukabaire bwo.

31 Kwonka niinyenda kugira eki naababuuza. Hariho oburinzi Obutahwaho? Baiburi nikwo erikugira. Baiburi neegira ngu amaziina gaitu gakahandiikwa omu Kitabo ky'Amagara ky'Omwanaw gw'Entaama ensi etakahangirwe.

Nk'oku naagamba akasheeshe aka, ningaruka kukigamba. Omuntu owaahandiikire ekyeshongoro ekirikugira kiti, “Hariho eiziina risya eryahandiikwa omu Kitiinisa ekiro eki, kandi n'eryangye,” ekiteekateeko kye kikaba kiri kirungi, kwonka omu Byahandiikirwe, akaba agwire. Eiziina ryawe tirirahandiikirwe ekiro eki waajunwa.

Eiziina ryawe, okurugiirira omuri Baiburi, okurugiirira omu kitabo ky'Okushuuruurwa 13, 17, n'ahandi, “rikahandiikwamu ensi etakabaireho; na Yesu Kristo akaitwa ensi etakahangirwe.”

32 Ruhanga akaabaasize ata, Otaine bugarukiro; Ruhanga otaine bugarukiro akaabaasize ata, orikumanya omuheru okwiha aha kutandika, Akaabaasize ata kwikiriza ekibi kwija omu nsi, ku kiraabe kyabaire kitari ahabw'ekigyendererwa?

Okushagika ebintu bimwe ebi twaheza kugamba hati. Owaabandize n'oha, Omujuni nari omusiisi? [Omuntu omu bateeraine yaagira ati, “Omujuni.” -Omur.] Omujuni, buzima. N'oha oine amaani maingi, Omujuni nari omusiisi? Omujuni ku araabe naabaasa kwihamo ekibi, aine amaani maingi okukiraho. Mbwenu, ahabw'enki Yaarekire ekibi kikabaho okubanza kwa byona? Okworeka ngu akaba Ari Omujuni. Ni kiiha ekiine amaani maingi munonga, omutambi nari oburware? [“Omutambi.”] Omutambi. Mbwenu ahabw'enki Yaikiriize oburware kubaho? Okworeka ngu Akaba ari Omutambi. Naahurira naaheebwa omugisha hati hati. Eego, sebo. Oo, mugyensi! Ebyo n'Ebimukozire.

Ekyo nikyo kituma Yaikiriza emirabanamu kwija. Ekyo nikyo kituma Yaikiriza amaganya kwija, okworeka ku Niwe kushemererwa. Buzima, nikyo. Egyo niyo nshonga etuma twagira nyekiro, okuhamya ku hariho nyomushana. Egyo niyo nshonga etuma twagira ekiniga, okworeka ku hariho obusingye. Buzima, n'embaju zombi ibiri. Oo, Ni murungi munonga.

33 Hati, kikatandika kita? Twaza kukihikaho buzima, jubajuba nk'oku turikubaasa, nikwo ntaija kubagumya aha ekiro kyona. Hati, nihateekwa kubaho entandikiro y'ebintu byona.

Kandi niinyenda kugira eki naababuuza. Hati eki nikibaasa . . . Eki kite omu nshaho y'omufuraano gwawe. Eki toshemereire kukita hamwe n'eb'yokurya byawe by'obutoosha. Kwonka hurikiriza eki.

Ku oraabe ori ekihangirwe ky'Obutahwaho, obwo tokagirahoga butandikiro, kandi nabwo torikubaasa kugira omuheru na kakye. Ahakuba, Obutahwaho nikiruga omu kigambo “ekitaine butandikiro n'obu bwakuba obugarukiro.”

Timurikukijuka? Naagambire, akasheeshe aka, ngu oku Melikizedeki, obu yaabugaine Abrahamu naatabaaruka naaruga kwita abagabe. Kandi Baiburi neegira, omu kitabo ky'Abaheburaayo 7, ngu-ngu, “Leevi akaha Melikizedeki kimwe kya ikumi, obu yaabaire ari omunda ya ishe Abrahamu.” Abrahamu akazaara Isaaka; Isaaka yaazaara Yakobo; Yakobo yaazaara Leevi. Ogwo akaba ari ishe, ishenkuru, na ishenkuruza. Kandi Leevi obu yaabaire ari omunda ya ishenkuruza, Baiburi neemusiiima ahabw'okuha Melikizedeki kimwe kya ikumi. Kyo gamba aha Butahwaho! Mugyensi, mugyensi!

34 Taragizire ngu, “Akakikora omu kirikushushanisa; ngu omu buryo bumwe akakikora.” Baiburi neegira ngu,

"Akaha kimwe kya ikumi." Amiina.

N'ahabw'ekyo, ku turaabe twakomookire omu ruzaaro oruhikire, obu Paulo yaabuurira Engiri nkaba ndiho naiwe okaba oriho. Ekyo nituza kukihikaho, omu kaanya kakye, kihikire kimwe omu matu gaitu. Yetegyereze, okwo nikwo Ebyahandiikirwe birikugamba, ahariitwe, nangwa bigarukire kimwe enyima okwo.

Buzima teekateeka! Leevi; bwanyima Yakobo, ishe; bwanyima Isaaka, ishe; bwanyima Abrahamu, ishe; ishenkuruza. Leevi obu yaabaire ari omunda ya ishenkuruza, akaha Melikizedeki kimwe kya ikumi.

35 Niinyenda kubabuuza. Ogu n'oha, Yobu 27 . . . 38, obu Yaagira ati, "Okaba orahi obu Naataho emisingye y'ensi? Obu enyonyoozi z'akasheeshe zaayeshongorera hamwe, n'abaana ba Ruhanga bakateera akaari k'okushemererwa?" Abo baana ba Ruhanga ni baahi abaabaire nibateera akaari k'okushemererwa? Yesu akabagambira, ngu, "Nkashemererwa naimwe ensi etakahangirwe." Tituri bihangirwe by'obwire. Turi ebihangirwe by'Obutahwaho.

"Tihariho orikubaasa kwija Ahariinye Tata yaaba atamwiriize haihi. Kandi boona abarikwija Ahariinye, Ndyabaha Amagara Agatahwaho, kandi mbazoore omu biro by'aha mperu. Tihaine orikubaasa kubashahura omu mikono ya Tata, Owaabampaire." Oryabura ota?

Mwareeba, mutiinire. Mwine obwoba. Nimuza oku na hanu. Kandi ekyo ni kimwe aha birikuhamya birungi munonga, omu nsi, ku hataine ahu waahikire hoona. Nikwo kiri.

36 Ruhanga naabaasa ata kwija kukujuna ku Araabe . . .

Ni bangahi omu kanisa egi abaakubaasa kwimutsya emikono yaabo, bakaikiriza ngu Ruhanga taine bugarukiro? Nimumanya ebigambo ekitaine bugarukiro eki birikumanyisa? Ekyo n'ekihikiire kimwe. Ekitaine bugarukiro, torikubaasa-torikubaasa kushoboorora ebigambo ekitaine bugarukiro.

Oraakwatsire kamera yaawe okagimyora okagita ahari raama y'ahataine bugarukiro? Ahabw'enki, nikimanyisa ngu okwiha obwire obwo n'okugumizamu. Kare. Tihariho ogundi muringo gwona gw'okugitereeza.

Mbwenu, okwo nikwo Ruhanga ari. Taine bugarukiro. Kandi ku Araabe ataine bugarukiro, tiharabaireho kijunjure, tihariho nshohera, tihariho rugongo, tihariho nda, tihariho mura, nari ekintu kyona ekirabaireho omu nsi, nari ekiribaho, eki Ruhanga ataramanyire ira ensi etakahangirwe. Nkikyo aho ekiteekateeko ky'otaine bugarukiro.

37 Mpaho, mbwenu, Ruhanga otaine bugarukiro Orikujuwa hanu, arikumanya ngu Naaza kukufeerwa saabiiti erikwija, nari okwezi okurikwija, nari omwaka ogurikwija, ahabw'enki, Naaremesa ekyo kigyendererwa kyonyini. Tarikubaasa kukufeerwa. "Orikujuwa Ebigambo Byangye, akaikiriza Owantumire, aine Amagara agatahwaho, kandi tariza mu Rubanja; ahabw'okuba aherize kuruga omu kufa, yaataaha omu Magara." Tarikubaasa kukikora. Tokaagaruka ku . . .

"Weena ozairwe Ruhanga takora kibi; ahakuba embibo ya Ruhanga eguma omuriwe, kandi tabaasa kukora kibi." Naabaasa ata kukora ekibi kunu hariho emponganano y'ekibi ehongirwe ahabwe?

Nimbaasa nta kurwara kunu nyine amagara marungi? Nimbaasa nta kuba empumi kunu nimbaasa kureeba? Oo, mugyzeni! Nimbaasa nta kuba omu kyombekyo n'aheeru y'ekyombeko omu bwire bumwe? Nimbaasa nta kusinda kandi nkaba otasinzie omu bwire bumwe? Torikubaasa kukikora.

Kandi ku orikujunwa, nooza ahansi y'eky'Okurihiirira, kandi ebibi byawé tibirikukubarirwa.

38 Daudi taragizire ngu, "Aine omugisha omuntu ou Ruhanga atabarira kibi, nari kumureeba aine ekibi"? Ruhanga tabarira kibi kihangirwe Kye. Ekyo kigumire. Ago tigari mate g'amacunda. Kureka ego ni Baiburi. Ruhanga taribarira kibi abahikiriire.

"Ruhanga," ahabw'embabazi Ze, kurabira omu kutoorana ira, "tarikwenda muntu weena kuhwerekyerera, kureka naayenda ngu boona bahikye aha kweteisa." Kwonka ahabw'okutagira bugarukiro, kandi akamanya oriija n'otariija, Akaba naabaasa kumanya ira ebantu byona bitakabaireho kugira ngu bikore ebi Akunda. Ku Araabe atarakikozire, ahabw'enki Yaikiriize ekibi okubanza kwa byona? Ku Yaabaire ari Omujuni . . . Kuri haabaire hatariho musiisi, Taakubaire Omujuni; ekimukozire, ekyabaire Kimurimu, tikikaayorekirwe.

39 Akaba ata omutambi? Akaba ata omutambi? Ahabw'okuba Akaikiriza ekibi kubaho, kugira ngu Abaase Kweyoreka nk'omutambi. Akaba Ari omutambi. Iwe okaabaasize ota kuba . . . Akaamanyirwe ata? Ebimirumu Bye bikaabaasize bita kukora? Akaabaasize ata kuba omutambi, kuri hatarabaireho burwaire? Akaba naateekwa kwikiriza oburwaire kubaho.

Tiky'okutangaaza, Paulo akagamba, omu kitabo ky'Abarooma 8 ati, "Mushema 'we, n'oha orikubaasa kugambira o-omubumbi oku ashemereire kukikora; n'oha, obu eibumba ryaimuka rikagira riti, 'Ahabw'enki, iwe, nombumba oti?' Tareemekire Faraho ahabw'ekigyendererwa nikyo kimwe, kugira ngu Abaase kworeka ekitiinisa Kye okwo omuri Misri? Agangaaza omutima gw'ogwo ou Ayenda ngu gugangaare, kandi Aihaho orubanja ou

Ayenda kwihamo orubanja. Tikirikwegamira kweyendera kw'omuntu, nari obweziriki bwe, kureka n'okusaasira kwa Ruhanga."

N'ahabw'ekyo, okaba otaine kakwate koona nakyo. Toine kintu na kimwe ky'okukora. Ku ziraabe ziri embabazi, ku kiraabe kiri ekiconco ky'embabazi, tihariho kintu na kimwe eki orikubaasa kukikoraho. Ruhanga akikuhaire, kandi okwo n'okukunda kwa Ruhanga. Ekyo n'ekintu eki Ruhanga yaakutooraniire ira.

40 Baiburi neegira ngu "tukatooranwa ira tutakabaireho kuhindurwa abaana ba Ruhanga abaine obushoboorozi, abaana ba Ruhanga, ensi etakahangirwe." N'ahabw'ekyo, obu Ruhanga yaita Omwana gw'Entaama, omu kuteekateeka Kwe, ensi etakahangirwe, kuhamya ebimurimu Bye, eki Yaabaire ari; Omwana gw'Entaama ku yaitsirwe, tukaitwa Nagwo. Eshagama y'Omwana gw'Entaama ku yaakwatsirwe omu biteekateeko Bye, enyima okwo ensi etakahangirwe, eiziina ryangye n'agaanyu gakahandiikwa omu Kitabo obwire obwo, goona omu kuteekateeka Kwe okukuru.

Taine bugarukiro. Ku araabe Atari atyo, ahabw'enki Yaikiriize ngu kibeho?

41 N'oha oine amaanagarikukirayo, (naaheza kugamba,) Omujuni nari omusiisi? N'oha oine amaanimaingi okukira abandi boona? N'ahabw'ekyo, orikukirayo amaanimaingi kikamwetaagisa kwikiriza ogwo oine amaanimakye munonga, kandi ekyo Akikora ahaw'Ekitiinisa Kye kusha. Obu Yaahanga Lusafeeri, Akamanya ngu aryaba sitaane. Kikamwetaagisa kumureka ngu abeho kworeka ku n'Omujuni, Kristo. Kikamwetaagisa kukireka ngu kibeho kityo.

Hati, Baiburi terikugira, ngu, "Aha barikukunda Ruhanga, byona ebibabaho bikwatanisiza hamwe kubareetera oburungi"? [Abateeraine batu, "Amiina." -Omur.] Mbwenu nimutiina ki?

Ka twimukye tukore omurimo,

Tugume omutima omu rugamba rwona.

Mutaba nk'ente ezifunyuwa zitarikugamba, ezirkuteekwa kweshengyerezibwa n'okusoonasoonwa!

Mube emanzi!

Ekyo ninkikunda. Mwemerere!

42 Ekyevugo kigufu ekyabaire kimpwera munonga obu naabaire ndi muto, nikigamba nka kitu.

Hakaba hariho Omurooma w'ekitiinisa,

Omurooma biro bya Rubambansi wa Rooma;

Owaahuriire omunyabwoba naatabaaza,

Naagambira enyima y'ekikaari ati:

"Oo, n'obusingye omu mutooma guri,

Tihariho muntu orikubaasa kugutengyetsa."

"Oo, ngaaha," emanzi egoy yaagira eti,

"Ninza kusherura oburyo nari nkikore."

Nikyo ekyo. Nikwo kiri.

43 Baiburi egi ku eraabe neeyegyesa ngu Yesu Kristo tahinduka; oku abaire ari nyomwabazyo n'eriiizooba nikwo ari, kandi nikwo ariguma ebiro byona . . . Kikaba kitari kintu kyanguhi obu naaruga omuri Tabirinaakuru egi eizooba eryo, na buri omwe nangambira ngu eki nikiza kubaho, na kiri nikiza kubaho. "Noija kuteekateekwaho nk'orikurengyesereza omu kwikiriza, bakunagye omu nkomo, n'ekibiina ky'abashaho kyona kikurwanise." Kwonka Ruhanga akagira ngu kikore. Baiburi neegira ngu Niwe. Mbwenu hati omuriro gw'okusiisimuka nigwaka omuri buri ihanga eriri ahansi y'Eiguru. Ahabw'enki? Kikiikirize!

Nookora ota omurimo gwawe buriizooba?

Nootiina omurimo ogu orikutunga?

Noobaasa kwemera omurimo oguri omu maisho?

Oine omutima oguruhire kandi ogurimu busha? (Ekintu ekyo ninkyanga.)

Nari nooyemera omurimo oguri omu maisho,

Nari nootiina kugukora?

Ku kiraabe kiri kityo, kora ogundi ogu oraabone,

Okurabira omu kuteekateeka ngu nooza kugukora.

Guma nakyo. Buzima. Mariirira omu mutima gwawe, nka Danieli. Guma na Ruhanga.

44 "Ebi byona bikabeeraho nkahi? Bikabaho bita? N'enki ekirikutuma abantu baaba batyo? Ahabw'enki turi haihi kucwekyerezibwa? Ow'eishe-emwe Branham, nshoboororera. N'enki ekirikutuma waateekateeka ngu ekintu eki kyona nikiteekwa kucwekyerezibwa?" Kikaba kyaracwekyereziibweho rimwe ira, (tikwo?) omu kucwekyereza kw'omwegyemure. Hati mbibi hanu byaija ebintu ebitsimbire emizi. Kandi twaza kweteguura tushome.

45 Hati niinyenda ngu tubiikuure kumwe hati, omu Kitabo ky'Okutandika, eshuura ya 3. Ku muraabe nimwenda kumanya ekintu kyona, nimbaasa kubooreka omu Kitabo eki ky'Okutandika ahu buri diini y'ekikwangara na buri nkora, na buri kimwe eki twine eriizooba, kikatandikira omu kitabo ky'Okutandika. Ni bangahi abarikumanya ngu Okutandika nikimanyisa "obutandikiro"? Buzimazima.

Nitushanga ekanisa Enkatorika omu kutandika, Babulooni, Nimuroodi niwe yaagitandikire; nitugishanga rwagati ya Baiburi, tugishanga aha muheru gwa Baiburi; nitushanga, nibagyezaho kutaasyamu abakazi ababuurizi, omu kutandika kwa Baiburi, omu kuramya obushushani bukye obukozirwe omu mizi. Ni bangahi abaarashomire ekitabo kya Hislop ky'byafaayo ekirikwetwa, Babulooni Ibiri? Kare. Musherure, omu byafaayo ebi. Bakaba baine omukazi . . . Kandi nimwijuka, Yakobo nawe akaiba baaruhanga ba ishe, reero muhara we yaabashereka ahansi ye yaabatwara aheeru okwo omu ihamba, ekyasiisire orusisira, bwanyima. Nikwo.

46 Hati ka tushome hanu omu kitabo ky'Okutandika.

Kandi enjoka ekaba eri enyabwengye okukira enyamaishwa zonna ezi MUKAMA Ruhanga yaahangire. Yaabuuza omukazi eti: N'eky'amazima, Ruhanga akagira ngu mutariryra aha muti gwona ogw'omuri eki kibanja?

. . . omukazi yaagarukamu enjoka ati: Nitwikirizibwa kurya ebijuma by'emiti y'omu kibanja:

Kureka ebijuma by'omuti . . . ahagati y'ekibanja; nibyo Ruhanga yaagizire ati: Mutaribiryaho, n'obu kwakuba okubikoraho, mutakaafa.

Enjoka yaagambira omukazi eti: Okufa kwo, buzima timurifa;

Ahabw'okuba Ruhanga naamanya ngu eizooba eri muriguryaho, amaisho gaanyu garyaiguka, (mwareeba, kusherura Omushana musya), naimwe mube nka Ruhanga, mumanye oburungi n'obubi.

47 Nimureeba abantu aba oku bari ebiro ebi, nibagyezaho kucwaho omuri Baiburi? "Ahabw'enki, ti kyanguhi munonga kushukaho, nari kumiisiira, nari omuringo ogu, nari omuringo guri?" Ngaaha, sebo. Ruhanga akataho puroguraamu, kandi egoyi niyo tushemereire kukuratira, Egi. [Ow'eishe-emwe Branham yaayoreka Baiburi ye - Omur.]

Omukazi ku yaareebire omuti guri murungi kurya, niguschemeza amaisho, kandi omuti gw'okutuma . . . nigwetengwa ahabw'okuha omuntu obwengye, yaacwa aha bijuma byagwo, yaarya yaahaho na iba, nawe yaarya.

Ahonaaho amaisho gaabo bombi gaiguka, baamanya . . . bajwaire busha, baayebaziirira amababi g'omutiini g'okwekingaho.

48 Nkaayenzire kwemerera hanu ahabw'akaanya kakye. Hati, nihateekwa kubaho obutandikiro bwa buri kintu. Okaba oine obutandikiro. Hati itwe . . . Hanu niho ndikwenda kuta omusingye gw'ekyo kintu kyona, hati, eki tugambireho omuri ezi nteerane ibiri ezheweire, kuhitsya hati.

Hati, akasheeshe k'eriizooba tugarukire enyima twakyoreka omu buryo bw'omuzaano, omuri Baiburi, ngu obu Ruhanga yaabaire naahanga ensi, ngu obu Yaabaire naakora emiika; reero egoyi miika yaaba karisiyamu, na potaashi, n'e-n'ebintu ebitari bimwe. Akaba naakora omubiri gwawe. Akaba naayombeka ekyombeko, nk'omwombeki mukuru oshongokire, nk'omupatani w'ebiyombeko naataho ebikozeso ahabw'ekitongore ekirikwombeka amaju. Akaba naakora omubiri gwawe, kandi Akaba agutaire aho. Akaba naamanya kimwe, omu biteekateeko Bye, ekyabaire nikiza kukorwa.

Omukono ogu, Ruhanga akahanga ogwo mukono Ataka . . . obu Yaabaire naahanga ensi; kwonka, omwoyo gwangye akaguhanga ensi etakabaireho. Hati, kwonka omukono ogu, n'omubiri ogu, akabihanga obu Yaahanga ensi, 'habw'okuba omubiri ogu gukaruga omu itaka, kandi nigugaruka omu itaka. Ruhanga akaguhanga. Gwona Yaaguta omuri puraani Ye nkuru n'omuri puroguraamu Ye.

Hati, ku Yaatandikire kuhanga ensi, yaahanga omuntu, kwonka omuntu ogwo akaba atarikureebeka nk'oku kishemereire.

49 Hati ekyo tukireebire, akasheeshe aka, twaraba omu muzaano, oku ngu I-Ishe akashuumma yaija omu nsi Yaareeba omwana We, owaahangirwe omu kushusha Kwe, n'ebindi. Bwanyima Yaamukorera omukazi, omuhwezi.

Hati, mwijukye, ngu, ebihangirwe byona by'omu nsi, Adamu akaba yaabyetsire amaziina.

Akaba Yaahangire e-ente, n'enyaamaishwa, na buri kimwe. Eriizooba, itwe . . . Abashomire oku ebintu bigyenda nibikuratana n'a-n'abaine obwengye bwingi bwa saayansa abatari bamwe, batwire nibagyezaho, kumara emyaka enkumi mukaaga, kuzoora obwo buzaare obwabuzireho, ahabw'enki egyo nyamaishwa . . . Omuntu n'ekinyamagara enyamaishwa. Ekyo nitukimanya, ngu tukozirwe . . .

Omukazi n'ekicweka ky'omushaija, ekyamwhirwemu. Omukazi akaba atari omu byabandize kuhangwa. Ruhanga akaba yaaherize kuhanga, harabireho emyaka mingi munonga munonga, okuhitsya obu Yaahangire omukazi kuruga omu rubaju orwahirwe omu rubaju rw'omushaija.

50 Adamu akaba yaaherize kweta amaziina ebihangirwe byona, n'ebindi byona, kwonka akaba atakatungire omuhwezi we. N'ahabw'ekyo Yaamuhangira omuhwezi; yaiha orubaju omu rubaju rwe, yaagarura enyama omu mwanya gwarwo, reero yaamuhangira omuhwezi. Kandi omushaija, omu mwoyo gwe, akaba ari bombi omushaija n'omukazi.

Mbwenu omukazi n'ekicweka ky'omushaija. Kandi omushaija ku arikutaasya omukazi, kandi ku araabe ari omukazi we buzima, omukazi ou Ruhanga amuhaire, buzima naija kuba ahariwe nk'ekicweka kye.

Egyo niyo nshonga erikutuma mwagira obutabanguko bwingi munonga omu bushwere, n'ahabw'okuba nooza okwo oreeba omwishi aine amaisho marungi ga burawuni nari amaisho ga bururu, nari ekintu nk'ekyo, n'ekyemerero kirungi, naiwe omukunda. Omurundi gw'okubanza yaazaara omwana we w'okubanza, amaino ago gakuuka, afunyarara omubiri akaikure, reero oyenda ngu omubingye. Kandi bamwe omuriimwe abakazi mureeba omwojo muto aine eishokye ry'ekinyerezi arishokweize kurungi, ariteiremu ekicweka ky'omukyebe gw'amajuta ga nyina, kandi riri gye. Kandi ryona nirija kuhwaho; ekyo ninkimanya ahabw'okukirabamu. Kwonka ekibaho niki? N'enki? Ekyo nikikutwara omutima.

Oshemereire kubanza waashaba, 'habw'okuba omukazi n'ekicweka kyawe. Kandi ku oraabumbatire omukazi omu kifuba kyawe, okamutwara kuba omukazi waawe, kandi oka . . . Naakutaho raama. Nitukigamba tuti kugira ngu mukyetegyereze. Kandi omukazi ondijo weena aha kifuba ekyo tarikwija kuhika omuri egyo raama. Kandi Ruhanga naija kukujunaana. Kandi ekyo mukijukye.

51 Iwe orikutwara omukazi w'ondijo aheeru kandi . . . Eriizooba naahurira ebikwatsire aha mwishiki muto hanu omu rurembo, omwishi muto enshoberwa. Nimmumanya. Omuteezi wa zaara arikumugurira ebijwaro bingi birungi, n'ebindi bintu, naagyezaho kumusoonasoona atyo. Embeba, neebaasa kukora ekintu nk'ekyo, takaateekateekwaho nangwa n'okuba omuntu.

Noomanya, embwa tesiisikaire etyo, kwonka nabwo nimweta embwakazi "enshambani." Eine engyesho nungi munonga okukira ezi kimwe kya kabiri ky'abakazi ba Jeffersonville baine. Kandi nimweta empunuenzaire ekuzire "empunu y'enkazi," kwonka teri. . . Eine engyesho nungi munonga okukira abakazi b'omuri Amerika egi, baingi omuribo. Ekyo kihikiire kimwe. Hati, nimmanya ngu okwo n'okusheeshuura. Kandi naabagambiire ngu ninza kukigamba butsimba, kandi niinyenda ngu mukimanye. Kandi ago n'amazima. Abakazi boona, eriigyenda, tibarikumanya nangwa n'engyesho eki ziri. Nibagira bati, "Otakora kubi omutima gwangye." Mbwenu, togwine. Yetegyereze. Eego, sebo. Kunu, noomanya ekirungi n'ekibi.

52 Hati yetegyereze. Omuntu ogu, ku yaahangirwe, Ruhanga akataanisa omwoyo gwe. Kandi Yaiha ekicweka aha mushaija, orubaju rwe, yaaruhangamu omukazi. Bwanyima yaakwata omwoyo gw'ekikazi, ogurikushememeza gw'omushaija, yaaguhangamu omukazi. Reero Yaahanga ogwo mushaija, ekishaija, ekiine amaani.

Kandi waareeba o-o-omushaija mukye . . . noomanya, ayesiigire erangi, nari oku muri kukyeta kwona, enono ze; kandi, noomanya, ina aha rubaju rumwe na itaano aha rundi; n'e-n'eishokye rye rishokoize gye, kandi akanwa ke kaashami omu maisho, n'ebintu nk'ebyo, omwe ahari aba boojo abeeboneize. Oijukye, ow'eishe-emwekaza, hariho ekishobire ahari egyo nyonyi. Hariho ekishobire. Kikaabaire kirungi omugumyeho erisho.

53 Kandi waareeba omukazi ataire sigara omu rubaju rw'akanwa ke, ajwaire ovoro, kandi arikugira ati, "Ka nkugambire, muntu 'we, eki kiri!" Ow'eishe-emwe, yetegyereze egyo mpangare. Hariho ekimushobireho.

Omukazi, ashemereire kuba omukazi, kandi ashemereire kujwara nk'omukazi. Ruhanga ku yaahangire omushaija, akamukora ekintu kimwe; kandi Yaakora omukazi ekintu ekindi. Kandi Ruhanga ku ajweka omushaija, amujweka omu muringo gumwe, n'omukazi ekindi kintu. Kandi Baiburi neegira ngu, "N'ekihagaro omukazi kujwara kishaija."

54 Kandi imwe bakazi, abarikujwara ezi mpare nkye eza ira n'ebindi, kandi mukazijwara aheeru hanu, nkye eza ira . . . Nimuzeeta muta, empare ezirikugarukira aha maju? Nibazeeta bata? Eego, nizo ezo. [Omuntu omwe yaagira ati, "Ezo n'empare ngufu." -Omur.] Ngaaha, ngaaha, tiziri mpare ngufu. Ni ziri, eziine amaguru maraingwa. ["Empare ezigarukiire aha ntumbwe z'amaguru."] Empare ezigarukiire aha ntumbwe z'amaguru, na za ovoro, na zaajiini.

Taahamu, ati, "Ezi n'ez'abakyara."

Naagira nti, "Ngaaha, waashobya. Abakyara tibajwara ebantu ebyo. Abakazi nibabaasa, kwonka abakyara tibarikubaasa." Ekyo kihikire.

Baiburi neegira ngu, "N'ekihagaro omukazi kujwara . . . kandi n'omushaija kujwara kikazi."

Kandi abashaija nibeeyongyera kwetwara nk'abakazi, buriizooba, kandi abakazi nibeeyongyera kuba nk'abashaija. Hariho ki? Twaza kukireeba omu dakiika nkye, kurabira omuri Baiburi. Abakazi tibakiri bakazi. Tindikumanyisa imwe abakazi Abakristaaayo. Ningamba aha baaburijjo. Nibenda kutwaza nk'abashaija; nibenda kutega amashokye gaabo nk'abashaija; kuta emikono yaabo aha meeza ndaingwa y'omu baara, batyo, reero beeshongore ngu Ruhanga Heereza Amerika Omugisha, n'esigara aha rubaju rw'emina yaabo.

55 Nibashuma omu ruguuto rw'omu rurembo, bagaruka batyo, bagira kimwe omu ruguuto rugyendwa. Tukabara . . . Niinyenda kugira eki naabagambira. Kandi naimwe abakazi abavugi, muhurikize. Nyowe na Billy Paulo, omuri egi hururu eherrerukire okwetooroora eihanga eri, ameezi mukaaga, nkabara enshobe ezaakozirwe aha ruguuto. Ahari butandu magana ashatu, aha ruguuto, nooteekateeka ni bangahi ahari abo abaabaire bari abakazi abavugi? Hakaba nihaburaho kwonka . . . Ikumi na mwenda aharibo bakaba bari abashaija. Reero magana abiri na makumi munaana nari, niinyikiriza ngu nibo, magana abiri na makumi munaana n'omwe obwo bakaba bari abakazi abavugi. Abakazi abavugi! Hati, tindikugira ngu tihariho abakazi abavugi barungi. Kwonka omukazi naatoora ahu yaabona hoona.

Kandi oti noogyezaho kumutabaariza? K'abe ari nk'oine endeebeka nungi, ayemereire aho, naananuura eishokye eryo omuporiisi yaaba naija. "Ahabw'enki," akaagira ati, "buzima, ori omu nshobe!" Titwine mateeka goona.

Ekyo bakakihamya ekiro kiri omu mushango gw'omushoro ogu mperize kurabamu. Titwine mateeka goona. Ku biraabe . . .

56 Tiky'okutangaaza abanyeishengyero bakuru ba Bungyereza bakagira bati, "Entegyeka ya demokorasi teine muhoho." Ekyo kihikire, okwemerera aha bokisi ya saabuuni, nooteera pokopoko ngu otungye akaruuru. Entegyeka ya demokorasi ejunzire, na ba ngambanyenka nikwo bari n'ebindi byona. Byona bijunzire. Hariho ekintu kimwe eki Ruhanga ashemereire kukora, n'okucwekyereza ekyo kintu kyona, nk'oku Yagambire ngu aryakora, reero atandikye busya.

57 Hati reeba oku turi haihi n'okwo Kwija.

Hati ogu mukazi ku . . . Akamuhangira omuhwezi, kandi omukazi akaba ashemereire kuba omuhwezi we. Reero . . .

Hati, hanu, tinkatungahoga omubuurizi orikwikirizana n'eki na hati. Kandi nibagyezaho kukikora okundi, kwonka nabwo tikirkungirira makuru. Nibagyezaho kugira ngu Adamu na Haawa bakarya ebijuma bya apo. Ow'eishe-emwe, kuri . . . Hati eki tindikukigamba omu buryo bw'okuteera obuyaga, kwonka niinyenda kukigamba. Ahakuba, okurya ebijuma bya apo ku kiraabe nikutuma abakazi bamanya ngu bajwaire busha, kikaabaire kirungi tugarukye tubahe ebijuma bya apo. Kandi nimumanya ngu ekyo kihikire.

Nimumanya, okurya ekijuma kya apo, ekyo tikyo baakozire, kikatuma baamanya ngu bajwaire busha. Buzima, kikaba kitarikyo. Kikateekwa kuruga omu by'okuteerana kw'omushaija n'omukazi. Kikaba nikiteekwa kuba ekyo, 'habw'okuba bakamanya ku baabaire bajwaire busha ku baariire ekijuma eki ekyazibiiwe. Omukazi t'omuti ogurikwana ebijuma? T'ori ekijuma kya nyoko? Ekyo nikyo kyabaire kiri ekijuma ekyazibiiwe kuriibwa.

58 Hati hanu hariho ekintu kikuru. Hati orurengo rwa haihi munonga oru abaasayansa barahikireho kumanya eki omuntu yaabaire ari . . . Nibarima amagufa aga ira, bawkata ebitsigarira by'ebiyabaire biine amagara ira na ira, bawkata emitwe, bawkata empanga, n'emikono, n'amagufa, reero bagyezaho kukikora ngu kireebekye nk'omuntu. Kandi nibamanya ngu ekintu ekiri haihi munonga eki barahikireho aha kubona omuntu, ekirikwenda kumushusha, n'empundu. Niyo kika ekiri haihi munonga n'omuntu; kwonka nabwo taine kakwate koona n'omuntu, orikukirayo kuba ow'ahaiguru.

Amagara g'ahansi munonga agariho n'ekikyere; ag'ahaiguru munonga n'omuntu. Ruhanga akatandikira ahansi reero Yaahanga naagumizamu kyarimwe kuhika ahaiguru, okuhitsya obu Yaagareeteire kimwe gakahika aha kishushani Kye. Akagareeta kuruga aha nyonyi n'enyaishwa, n'okugumizamu ahaiguru, okuhitsya obu Yaahikire omu kushusha kwa Ruhanga. Akahanga omuntu omu kushusha okwo. Ekyo nikyo kika ky'ahaiguru munonga. Kandi ekika ky'ahansi munonga n'akaana k'ekikyere akaahindukiremu ekikyere, hamwe n'ebindi.

59 Hati, obuzaare obu obwabuzireho, obu batarikubaasa kubona. Reeba Ebyahandiikirwe hati. Imwe, timurikuza kwikirizana n'eki, baingi omuriimwe, kwonka niinyenda . . . niinyenda ngu mukigumye omu biteekateeko. Beitu mutakyanga. Muhurikize.

Nimmanya ngu baingi omuriimwe mutwire nimuhurikiza Dokita DeHaan. Buzima nyowe . . . Nk'omuntu w'eidaara rye, kandi ow'eishe-emwe murungi Omubaputisiti, buzima nimusiiima. Aine obwengye bwingi n'ebiteekateeko, kwonka-kwonka akeebwa bingi okukira ebyo ebi naakubaasa kumanya; 'habw'okuba ni Dokita o-

otendekirwe omu by'ediini, kandi ni dokita otendekirwe, kandi ni Dokita omu bya Sayansi. N'omuntu orabukire. Kwonka naagamba ngu abo . . . Abaana ba Ruhanga ku baareebire abaishiki b'abantu bari barungi, naatwara enteekateeka ya Josephus, agira ngu, "ba-bakeetaasya omu mibiri y'abantu," reero baabashweramu abakazi. Kandi hakaba hariho ebikaaka omu nsi ya Noodi. "Baashwera abakazi baatuura nabo, obu abaana ba Ruhanga, Baamaraiaka abaagwire, baatware kandi bakareeba abaishiki b'abantu; kandi ekyetengo ky'okumanyana kw'omushaija n'omukazi kikaba kiri ekintu ekirikukundwa munonga, kandi obwo ahaw'okuba abanyabibi ahaw'okugwa, bakeetaasya omu mibiri y'abantu."

Ku baakukora ekyo, nibashiisha okutamba kwa Ruhanga, nibashiisha ebindi byona. Sitaane ku araabe naabaasa kuhanga, naingana na Ruhanga. Sitaane tarikubaasa kuhanga. Niinyenda ngu muunyorekye omwanya gumwe ahu sitaane arikubaasa kuhanga. Tarikubaasa kuhanga. Naashiisha kwonka ebyaherize kuhangwa. Ti muhangi. N'orikukiikamya kwonka.

60 Kare, mbwenu, ekyabaireho niki? Reeba. Nkuku hanu okushoboorora kwangye. Mbubu hanu obuzaare obwabuzire.

Hati baine empundu, kwonka empundu terikubaasa kuteerana n'omukazi omu by'omubonano reero bikazaara omwana. Torikubaasa kuteerana enyamaishwa yoona n'omuntu omu by'omubonano. Tibikaajwanga. Torikubaasa kuha eshagama, enyamaishwa yoona.

61 Obu naabaire ndi omuri Afrika, bakatwaza batyo abo bairaguju enshoberwa omu muringo ogwo; omuntu omwe akangambira, yaagira ati, "Tibari kindi kureka n'enyamaishwa."

Naagira nti, "Nsaasira. Nabo n'abantu nkaiwe, obundi n'okukiraho kakye." Ka mbagambire, ku oraabe oine enteekateeka nk'egyo, oyorekyereire kuba enyamaishwa. Naagira nti, "Ogwo muntu, ku araabe nairagura nka kyanisi ya kitiiho, nari ku araabe ari kinekye nk'eryozi, nari ku araabe ari bururu nka kakobe, naabaasa kukiza amagara gaawe ahaw'okukuha eshagama. Kwonka otaryetamu eshagama y'enyamaishwa." Buzima, n'omuntu.

62 Ngu ahaw'okuba omubiri gumwe gukaba nigwiragura, ogundi ni burauni, ogundi ni kinekye, n'ogundi nigwera, ekyo tikiine kakwate nakyo. Baiburi neegira ngu, "Ruhanga omu shagama emwe akahanga abantu boona." Kandi ekyo buzima kihikire. Emyanya ei twatwiremu, ekahindura erangi yaitu, ekaba etaine kakwate nakyo. Ruhanga akahanga amahanga goona g'abantu naabakomoora aha muntu omwe-omwe, eshagama emwe, amahanga goona nigashushana.

Omuchaina; omwiraguju tarikubaasa hati kugira ngu, omwiraguju tarikubaasa hati kugira ngu, "Oriya Muchaina, ni-ni kinekye, tindaakwatanise nawe." N'ow'eishe-emwe mugyenzi waawe. [Ow'eishe-emwe Branham yaakongoota aha kituuti emirundi mingi -Omur.] Naiwe muntu 'we orikwera torikubaasa kugambira omuntu wa kinekye nari omwiraguju, omwe omuri abo oti, "Tiinyine kakwate naiwe." N'ow'eishe-emwe mugyenzi waawe. Buzima nikwo kiri.

63 Yetegyereze hati, nkiki hanu ekyabaireho. Niinyikiriza, kandi nimbaasa kukishagika na Baiburi, ngu n'enjoka eyaakikozire. Enjoka niwe ogwo muntu owaabuzireho rwagati y'empundu n'omuntu. Habw'okuba, hurikiza, yetegyereze eki hati, ngu enjoka ekaba etari kikooko ekirikwekurura ahansi. Ekaba eri "enyabwengye" munonga okukira enyamaishwa zonna ez'omu ishma.

Hati, ngyzire naakwata ebishoborozo, eriizooba, kuruga ahantu hoona, kusherura ekigambo eki, amakuru g'ekigambo eki omunyabwengye. Nikimanyisa "okurabuka, okuba endyarya," kandi, okushoboorora okurukirayo oburungi okw'o-okw'Oruheburaayo (kuruga omu kigambo m-a-h-a-h, mahah) nikimanyisa "okugira obwengye buhikire bw'engyenderwaho z'amagara."

64 Hati ka turebe eki ahaw'akaanya kakye. N'orabukire, endyarya, kwonka nabwo naayetwa "enjoka." Kwonka, mwijukye, niwe yaabaire ari orabukire okukirayo owaabaire ariho, kandi orikushushanira kimwe n'omuntu okukira ekindi kintu kyona ekyabaire kiri omu kibanja; naashushana munonga n'omuntu. Akaba atari kikooko ekirikwekurura ahansi. Omukyeeno nigwo gwamuhindwire ekikooko ekirikwekurura ahansi. Kandi akaba ari . . . Baiburi neegira ngu akaba aboneire munonga okukira boona.

Kandi nangwa n'omukyeeno tiguramazireho oburungi bwe bwona; na hati erangi nungi munonga z'enjoka nizishemeza, okwecwendeeka kwayo n'oburyarya bwayo. Nangwa n'ogwo mukyeeno tigurabiihireho. Kwonka, mwijukye, Ruhanga akamugambira ngu amaguru ge nigaza kurugaho kandi agyendese enda. Kandi torikubaasa kubona eigufa na rimwe omu njoka erirkushushana n'ery'omuntu, kandi egyo niyo nshonga etumire sayansa yaabura. Kwonka ngigyo aho.

65 Ruhanga akakishereka abanyabwengye n'abarikwetegyereza, kandi yaaraganisa kukishuuruirira abaana ba Ruhanga, omu biro by'aha muheru obu abaana ba Ruhanga barishuuruirwa, obu, "Abaana ba Ruhanga abaashemereirwe nangwa n'ensi etakahangirwe." Obu okushuuruirwa kukuru kw'Obwaruhanga n'ebindi birireetwa omu biro by'aha muheru, Aryashuuura ebintu ebi kurabira omu baana ba Ruhanga. Nimumanya ekyo Ebyahandikirwe nibikyegyesa. Mbwenu turi hanu. Egyo niyo nshonga ahaw'enki Ruhanga naatushuruurira ebintu ebi. Ruhanga naareeta abaana Be omu kushuuruirwa. Naagyenda arenga ah'obwengye bwona bw'abantu bugrukira, hare okwo omu kushuuruirwa kw'omwoyo, reero Akureeta ahansi. Titutwire

nitwegyesa, omuri Baiburi egi tuti, "Okukishoborokyerwa nikwetenga oine obwengye"? T'ebi yaashomire omuri seminaariyo; kureka eki yaayegyeire aha maju ge omu maisho ga Ruhanga, kandi n'eki Ruhanga yaasiimire kumuha. Abaana ba Ruhanga, kushuururwa!

66 Ngigi hanu enjoka, hati nkiki hanu eki enjoka yaabaire eri; naaza kubaha enhoboorora eyangye eki eri.

Twine e . . . nitushuma, kuruga aha kikyere, tugumizamu kuza aha kaana k'ekikyere, tugumizamu ahansi n'okugumizamu, n'ebindi n'ebindi, okuhitsya obu aha muheru orikuhika aha nkyende, kuza aha mpundu. Kandi okuruga aha mpundu, hati nituguruka turuga aha mpundu tuza aha muntu, reero twebuuza ahabw'enki.

"Mpaho," sayansa neegira eti, "hati rindaho! Nitubaasa kuteerana omu by'omubonano omukazi n'enkyende, hamwe n'empundu, reero omu bundi buryo, omushaija azaare aha mpundu." Tikirikukora. Kugiteerana omu by'omubonano n'endijo nyamaishwa yoona; tikirikukora. Eshagama terikujwanga; reeba eshagama yaawe, n'eshagama y'omutaano buzima, kyarimwe.

Hariho eshagama ahagati aha, kandi tibarikubaasa kubona egyo nyamaishwa. Oo, haleluya, naahurira naaheebwa omugisha hati hati.

67 Yetegyereze. Ahabw'enki? Ruhanga akakibashereka. Tihariho eigufa omu njoka erirkushushana n'eigufa ry'omuntu. Ekintu ekyo akakita hare munonga kugira ngu kitakaabaasa kujumburwa abanyabwengye.

Kandi naaza kubooreka ahu omuntu ogwo orabukire arikuruga, ahu-ah'ari, n'obu kiraabe. Mwareeba, tarikubaasa kwija kurabira omuri ekyo.

Nikiteekwa kwija kurabira omu kushuuruirwa, "Ori Kristo Omwana wa . . ." "Naanye Ndyayombeka Ekanisa Yangye aha rukiri oru; n'amarembe g'okuzimu tigarigibaasa," okushuuruirwa kw'omwoyo. Abeeli aka-akamanya ata kuhayo omwana gw'entaama, omu mwanya gwa Kaini kuhayo ebijuma by'omu musiri? Kikamushuuruirwa omu buryo bw'omwoyo. Torikutunga kuruga omu seminaariyo. Torikutunga kurabira omu bigombe by'amadiini. Nookutunga kuruga omu Iguru.

68 Hati mureebe egyo njoka, enjoka egi eyaabaireho okubanza. Ka tuteere ekishushani kyayo hati. N'omuntu muhango w'amaani. Ari rwagati y'empundu n'omuntu. Kandi, egyo njoka; sitaane, Rusafeeri, akaba naamanya ngu egyo niyo shagama yonka eyaabaire neebaasa kujwanga n'egi shagama y'omuntu, niwe muntu wenka ou yaabaire naabaasa kukoragana nawe. Akaba atarikubaasa kukoragana n'empundu, egyo shagama ekaba etarikubaasa kujwanga. Akaba atarikubaasa kukoragana n'ebintu ebitari bimwe. Akaba atarikubaasa kukoragana n'entaama. Akaba atarikubaasa kukoragana n'embaraasi. Akaba atarikubaasa kukoragana n'endijo nyamaishwa yoona; akaba naateekwa kukoragana n'egi njoka.

Ka tumwegyeho hati haza tureebe oku arikushusha. N'omuntu muhango munonga, ekikaaka ekya ira munonga. Okwo niyo barikushanga ago magufa mahango, kandi eki ninza kukibooreka omuri Baiburi. Hati mwetegyereze kurungi n'obwegyendesereza. Kare. Ogu muntu muhango munonga, ka tugire ngu a-akaba aine oburaingwa bwa fuuti ikumi, aine amabega mahango g'amaani; akaba naashusha nk'omuntu. Kandi eshagama ye; bwanyima y'okushuma akaija, kwikirizana n'enyaishwa emwe n'endijo.

69 Noobaasa kwemesa enyamaishwa. Kandi ekaguma neeba eshagama y'omutindo gw'ahaiguru okukiraho, amagara g'omutindo gw'ahaiguru kukiraho, omutindo gw'ahaiguru okukiraho, okuhitsya obu erikutemba ekahika ahaiguru omu kyanga ky'omuntu. Kwonka akakwate k'aha muheru hanu, rwagati hanu, kakasharwa kaihwaho. Ni bangahi abarikumanya ngu sayansa terikubaasa kuzoora obuzaare obwabuzireho? Mwena nimukimanya. Ahabw'enki? Ngigi hanu, egyo njoka. Akaba ari hanu, ogwo muntu muhango w'amaani.

Reero sitaane yaashuma yaija, hati, yagira ati, "Nimbaasa kuha omuhimbo."

Hati, waatandika kureeba abakazi, kandi okazaana n'abakazi, ijuka, oshukirweho omwoyo gwa sitaane; ti mukazi waawe.

Yetegyereze, hati, sitaane akashuma yaataaha omu njoka. Atyo yaashanga Haawa omu kibanja kya Edeni, ajwaire busha, reero yaagamba aha kijuma ekiri rwagati. Rwagati nikimanyisa "ekicweka ky'ahagati," hamwe n'ebindi; nimwetegyereza, omu bateeraine b'orujwangye. Reero yaagira ati, "Hati, nikishemeza. Ni kirungi aha maisho."

70 Yaakora ki? Yaatandika kukorera Haawa ebya rukundo, yaabyama nawe, nk'omushaija we.

Kandi Haawa akareeba ngu gukaba nigushemeza, n'ahabw'ekyo yaagyenda yaagambira iba, knownka Sitaane akaba yaaherize kumutweka.

Bwanyima yaazaara omwana we w'okubanza w'omwojo, owaabaire naayetwa Kaini, omwana wa Sitaane.

Nimugira muti, "Hati, ekyo kigwire."

Kare, twaza kureeba yaaba kigwire nari kitagwire. "Kandi ndyata obuzigu ahagati y'Oruzaaro rwawe n'oruzaaro rw'enjoka." Ngu ki? Oruzaaro rw'enjoka! Haawa akaba aine Oruzaaro, n'enjoka ekaba eine oruzaaro.

“Kandi Aryakuteera omutwe, naiwe Oryamuteera ekitsintsiino.” Kandi okuteera, aho, nikimanyisa “Okurihiirira.” Hati ndurwo aho “oruzaaro” rwawe rw'enjoka.

Hati, mwetegyereze, mbaba hanubaarugayo abantu aba babiri.

Hati, enjoka egi, ku yaayemereire aho, eki kikaaka kihango munonga kikeemerera aho, kikaba kikozire omushango gw'okushambana na muka Adamu. Ekibi kiri nkahi eriigyenda? N'enki ekirikutuma ebuntu byaba nk'oku biri ebiro ebi? Hati, nyowe-nyowe . . . Buzima nimubaasa kwetegyereza eki ndikugambahao.

## 71 Kandi okwo nikwo kyabaire.

Kandi ku yaakirozire, Ruhanga yaagamba, Yaatandika kweta Haawa na Adamu.

Reero Adamu yaagira ati, “Njwaire busha.”

Reero Ruhanga yaagira ati, “N'oha okugambiire ku ojwaire busha?”

Reero baatandika, omuringo gw'ekiserukare, kucwererana emanja. Ati, “Mbwenu, omukazi ou Wampaire, niwe akikozire. Niwe ansoonasoonire.”

Reero omukazi yaagira ati, “Enjoka empaire ekijuma kya apo”? Kare, mubuurizi 'we, yetonde.

Omukazi yaagira ati, “Enjoka niyo yambeihabeicha.” Nimumanya okubeihabeicha eki kirikumanyisa? Nikimanyisa “kushiisha.” Kandi akaba asiisikaire. Sitaane taramuhaire ekijuma kya apo. “Enjoka niyo yambeihabeicha.”

Reero omukyeeno gwaija.

## 72 Yaagira ati, “Ahabw'okuba waahurikiza enjoka omu mwanya gwa baro, waiha Amagara omu nsi. Kandi oryaryakanyisa obusaasi bwawe; n'okuzaara kwawe kuryaba ahari baro,” n'ebindi.

“Kandi ahabw'okuhurikiza omukazi waawe, omu mwanya gw'Okumpurikiza (Nkakwiha omu mucuucu; ekihangirwe ekirikukirayo kuba eky'omutindo gw'ahaiguru), omu mucuucu nimwo origaruka.”

“Kandi, enjoka, ahabw'okuba okozire ekyo, amaguru gaawe gaakwihwaho. Oryagyendese enda, ebiro byona by'amagara gaawe. Kandi noija kwangwa. Kandi omucuucu guryaba eby'okurya byawe.” Nikyo ekyo. Obwo nibwo buzaare obwabuzireho.

## 73 Hati ngugu hanu Kaini yaija. Ka tureebe obwo buhangwa. Ngugu hanu Kaini yaija. Ni muntu ki? N'omushuubuzi w'omushwashumi. Naahinga emisiri. Arabukire, omunyabwengye; omunyadiini, omunyadiini munonga; reeba-reeba ebimukozire hati. Tugyendane ahabw'edakiika nkyeho.

Ngugu hanu yaija. Naamanya ngu n'ow'engyesho nungi. Naayenda kuza aha kanisa. Yaayombeka ekanisa, yaatamba ekitambo. Yaareeta eitambiro, na buri kimwe. Yaayombeka eitambiro, yaaritaho ebimuri bye. Yaataho omusiri, ebijuma by'omu misiri, yaabitoijera Ruhanga. Yaagira ati, “Nibyo ebyo, Mukama. Nimmanya ngu tukarya ebijuma bya apo, ekyo nikyo kyakireetsire.” Bamwe aha baana be baine ekiteekateeko ky'omuringo nigwo gumwe. Nikyoreka ei kyarugire. Yaareeta ebijuma bya apo bye, naabiha omu musiri, yaabita aho, yaagira ati, “Ebi nibiza kuba eky'okurihiirira.”

Ruhanga yaagira ngu, “Bikaba bitari bijuma bya apo.”

Kwonka, ahabw'okushuuuruurirwa kw'omwoyo, Abeeli akamanya ngu ekaba eri eshagama. N'ahabw'ekyo yaareeta omwana gw'entama, yaagushara amaraka, gwafa.

Reero Ruhanga yaagira ati, “Ekyo kihikire. Ekyo nikyo kyakikozire. Ekaba eri eshagama.” Nimumanya eshagama ei ndikugambahao. Kare. “Eshagama niyo yaakikozire.”

Hati reeba.

## 74 Reero Kaini ku yaareebire omurumuna orikwera oyekuringa ahansi yaikirizibwa omu maisho ga Ruhanga, kandi obumanyiso n'ebi'okutangaaza bikaba nibikorwa eifo okwo, yaamugirira eihari. Yaagira ati, “Twaza kuzibira ekintu eki hati hati.” Reeba beene ishe, reeba abaana be, ebiro ebi. “Hati, ndabukire munonga okumukira,” n'ahabw'ekyo yaagira ekiniga. Ekiniga kikaruga hi? Noobaasa kugira ngu ekiniga ekyo . . . Akaita omurumuna. Akaba ari omwitsi.

Noobaasa kweta Ruhanga omwitsi? Kandi Adamu akaba ari omwana wa Ruhanga. Baiburi neegira, ngu, “Adamu akaba ari omwana wa Ruhanga,” okwo kutandika okushemeire enyima okwo. Adamu akaba ari omwana wa Ruhanga. Kandi eryo eitima n'eihari, n'ebindi byona, bikaba bitarikubaasa kuruga omuri ako kagyera akashemeire.

Bukaba nibuteekwa kurabira omu mwanya ogundi. Mbwenu bukarabira omuri Sitaane, owaabaire ari omwitsi, okubanza kwa byona. Baiburi neegira ngu, “Akaba ari omubeihi kandi omwitsi, okubanza kwa byona.”

Nikyo ekkyo. Kandi akaita omurumuna.

Kandi ekkyo kikaba kiri ekirikushushanisa okufa kwa Kristo. Reero, kuruga omuri ekkyo, tihariho kubanganisa, Akaimutsya Seezi kuza omu mwanya gwe. Okufa, okuziikwa, n'okuzooka kwa Kristo.

75 Kandi reeba, bwanyima, hanu haija ebikaaka byawe. Reero Kaini yaaza omu nsi ya Noodi. Ishe ku araabe yaabaire ari omuntu w'amaani muhango ekikaaka, Kaini akaashushaine ata? Akaashushaine ishe. Kandi akaza omu nsi ya Noodi, yaatwara omwe ahari banyaanya.

Nigwo muringo gwonka ogu yaabaire naabaasa kukikoramu. Tihariho obundi buryo obu abakazi baakubaasize kuboneka, kureka okurabira omuri Haawa wenka. Nibagira ngu bakaba baine abatabani n'abahara makumi mushanju. Ku-ku haraabe haabaire hatariho bakazi . . . Baiburi tehandiika abaishiki ku bazaarwa, n'abashaija bonka. Kandi obu, ku haraabe haabaire hatariho abakazi abandi kureka Haawa wenka, ku yaafire, oruganda rw'abantu rukahwaho. Naateekwa kuba yaabaire aine abahara. N'ahabw'ekkyo akaba naateekwa kutaasya munyaanya wenyini.

Akaza omu nsi ya Noodi ya-yaashwera omukazi we. Kandi ku yaamutaahiiize okwo, okwo niyo baashangire abo bantu bahango munonga b'ebikaaka, abaabaire bari abaana ba Ruhanga abaagwire; abaizire kurabira omuri ishebo, sitaane, kurabira omuri Kaini. Mbubwo aho obuzaare bwawe obwabuzire.

76 Kandi reeba oruzaaro rw'enjoka. Hati reeba. Ijuka, oruzaaro rw'enjoka n'orunyadiini. Rureebe nirutandika kukora hati, ahabw'edakiika nkye. Nduru hanu rwatandika, oruzaaro rw'enjoka. N'enki ekyarubaireho? Hati ka ngire eki naashoma hanu, naakihandiika omuri eri ihangwe.

N'enki ekyakomookire omu kika kya Abeeli? Hurikiza eki. Kare. Hakaija Abeeli. Bwanyima ya Abeeli haija Seezi. Bwanyima ya seezi haija Noa. Bwanyima ya Noa haija Sheemu. Bwanyima ya Sheemu haija Abrahamu. Bwanyima ya Abrahamu haija Isaaka. Bwanyima ya Isaaka haija Yakobo. Bwanyima ya Yakobo haija Yuda. Bwanyima ya Yuda haija Daudi. Bwanyima ya Daudi haija Kristo, kuhika aha kuhikiirira.

77 Reeba kuriya enyima orebee Omwoyo wa Ruhanga oku yaatwire omuri Abeeli. Reeba oku Yaatwire omuri Seezi. Reeba oku Yaatwire omuri Yuda. Reeba oku Yaatwire omuri Daudi. Reeba ogwo Mwoyo omwe naayeta, kurabira omuri orwo ruzaaro oruhikiriire, hoona hoona okwo enyima. N'obu baakuba baakozire ki, bakaba baamanyirwe ira.

Mureebe Yakobo, ogubire . . . Tindikugamba eki ahabw'okurogota. Kwonka Yakobo, omuryangatanisa mukye, atarikuruga ahari nyina obwire bwona; naatangatanga, ekinyabaishiki. Yaayetaho ebintu, yaagyenda yaabehiha ishe, kugira ngu atungye omugisha; kwonka akaguheebwa ensi etakahangirwe. Buzima, akaguheebwa.

Yaagyenda okwo yaabehiha ishezaara; yaatwara enkonzi ziewirwemu amabara, enkonzi z'emilebeni, yaazita omu maizi, kukanga ezi nte ku zaabaire ziba zihakire; kutuma zaazaara ente z'amayenje, kugira ngu abone kuryangatanisa atungye ente ezo. Ruhanga akakimuheeramu omugisha. Ekyo kihikire.

Arayakareeba omuntu weena orikugamba ekintu kyona ahari Yakobo.

78 Nimumanya eki-nimumanya eki nabi w'ebishuba yaagambire . . . Nimmanyisa, akaba naaragura amazima. Balamu, akagira ati, "Orimushabira omugisha weena aryaheebwa omugisha, n'orimukyeena weena aryakyeenwa."

Nkakwiha, Yakobo. Nkamushanga nk'ori . . . nk'ori omu nsi etari yaabo. Kandi nk'oku empungu esisiimura ebyana byayo, nkamusisiimura naamwihayo." Haleluya! [Ow'eishe-emwe Branham yaateera omu ngaro emirundi eshatu -Omur.] "Ti habw'amaani, ti habw'obushoboorozi, kureka n'ahabw'Omwoyo Wangye, nikwo Mukama arikugira."

Reeba ekkyo ku nikihika omuri okwo kuhikiirira. Omwoyo ogwo akakora kuhika aha kuhikiirira omuri Kristo, omuri buri omwe ahari Baatatenkuru, kushuumira kimwe. N'obu baakuba baakozire ki, eki baagambire, eki baakozire, buzima bakaba bari oruzaaro rw'okuhikiirira.

79 Kandi, hanu, obu Abrahamu ohikiriire . . . Ekitiinisa! Oo, niinyehurira kurungi munonga. Abrahamu ohikiriire ku yaabugaine Melikizedeki, Owaabaire ari Ruhanga Wenyini!

Melikizedeki akaba ari oha? "Omugabe wa Salemu, niwe Mugabe wa Yerusaalemu, Omugabe w'obusingye. Akaba Ataine ishe. Akaba ataine nyina. Akaba ataine butandikiro bw'amagara ge, kandi ataine sugarukiro bw'amagara Ge." Ou Ari weena, Ahuriire na hati. "Tarazairwe. Tarifa. Akaba ataine ishe nari nyina. Akaba Ataine butadikiro bw'amagara Ge, kandi ataine sugarukiro bw'amagara Ge." Ngambira akaba ari Oha. Ruhanga otahwaho; eki turikweta e . . .

Oo, naayebwa ekkyo nk'oku murikukyeta hati. Omubiri gw'Obwaruhanga, nikwo barikukyeta. Nk'omu . . . Ti kitebyo; kwonka nabwo n'ekintu ekyorekirwe. Nk'oku Yaizire ahari Abrahamu omu ihema eruguru okwo, nka maraika, akaragura, kandi akagambira Saara ku yaasheka, enyima Ye, n'ebindi. Ekintu ekkyo, ekintu nikyo kimwe.

Mbwenu Akaba ari aha. Akabugana Melikizedeki. Kandi ishenku- . . . ishenkuraza Abrahamu, omu ruzaaro

rw'ohikiriire, akaha Melikizedeki kimwe kya ikumi; kyabairwa omwijkuruza ahansi hanu, oruzaaro rw'ohikiriire.

80 Hati hanu haija oruzaaro rw'e-rw'enjoka. Hati, mwijukye, haryabaho obuzigu, orutaro ahagati yaabo.

Oruzaaro rw'enjoka rwaija, kandi niruzaara ki? Hati ka tureebe emyaka mikye y'okubanza. Hati reeba ekirikubaho okwo. Twaza kukishoma kuruga eruguru, 'habw'okuba naaherize kukicondoza. Entanga y'enjoka ekazaara Kaini. Kaini yaaza omu nsi ya Noodi, yaazaara ebikaaka, reero baija omu nsi ya Noa.

Bakaba barabukire, beegire, abantu abanyabwengye. Tikwo kiri? Bakaba bari abombeki, abajumbuzi, abanyasayansa; kutari okurabira omu ruzaaro rw'ohikiriire, kureka omu ruzaaro rwa Sitaane, enjoka. Bakaba bari abantu nk'aba-nk'abanyasayansa, abombeki, kandi n'abantu b'amaani, abeegyesa. Ebyahandiikirwe nikwo birikugira. Bakakora ebintu by'emiringa. Baakora ebintu by'ebyoma. Baakora ebintu ebirikuheeshwa. Baajumbura ebintu. Baaheesha hamwe ebyoma ebitari bimwe, kandi baayombeka amaju, n'ebindi. Ebyahandiikirwe nikwo birikugira. Kandi bakaba bari abashekyerezi b'Oruzaaro rw'omukazi, Noa, ohikiriire. Tikwo? [Abateeraine baagira bati, "Amiina." -Omur.]

81 Ka tubakuratire omu maisho kakye. Bwanyima, tubakurate tubahitsye aha meeri, buri kintu kikacwekyerezibwa. Bakahika omu rujwangye rwingi rw'ekibi, kandi baakwata obushoboorozi, abantu abarabukire munonga kandi abanyabwengye. Okuhitsya obu Ruhanga yaareebire ahansi, hakaba hatariho baingi munonga abatsigaire, n'ahabw'ekyo akakwata Noa n'eka ye yaabataasya omu meeri, reero yaagwisa enjura yaacwekyereza byona. Akatwara Enoka omu iguru, kareho. Tikwo? [Abateeraine baagira bati, "Amiina." -Omur.] Hakaba hariho oruzaaro rwona, haihi oruzaaro rwona; kwonka ekigyendererwa Kye nikiteekwa kuhikiirira.

82 Hati, Noa n'abatabani, abaarugireyo, Haamu, Sheemu, na Yafeesi, bakarugirayo omu kika ky'okuhikiirira.

Oruzaaro oru rukambuka ruta? Oruzaaro oru rukaija omuri egoo meeri, nk'oku rwakozire omu kutandika, kurabira omu mukazi, abakazi baabo. Bakaba baine oruzaaro rwa Sitaane, okurabira omu meeri; nk'oku Haawa yaabaire aine oruzaaro rwa Sitaane, kuzaara Kaini, okurabira omu mukazi.

Nimuta abakazi abo aha bituuti byanyu nk'ababuurizi, Baiburi neekizibira! Paulo akagira ati, "Omuntu weena orikweteekateekaho ngu ni nabi, nari ow'omwoyo, amanye ngu eki mbahandiikiire n'ekiragiro kya Mukama. Kandi weena otarikukiikiriza tarikwikirizibwa."

83 Egyo niyo nshonga eyaatumire naaruga omu kanisa y'Ababaputisiti ahaifo hanu. Ow'eishe-emwe Fleeman yaaba ari hanu akaire kakye akaahwaho; nintekateeka ngu akaba ariyo ekiro ekkyo. Dokita Davis akagira ati, "Nooza kwemerera hanu oyemekye abakazi aba kuba ababuurizi."

Naagira nti, "Tindikuza kukikora. Ngaaha, buzima."

Yaagira ati, "Mbwenu, ninza kukubinga."

Naagira nti, "Naabingwa ahabw'amazima." Naagira nti, "Eki n'Ekigambo kya Ruhanga, kandi Nikikizibira. Kandi tindikubaasa kugumya eki Ruhanga arikwanga." Ngaaha, sebo.

Boona abarikukikora, nibooreka ku n'abeegyesa b'ebishuba, baanabi b'ebishuba. Baiburi neegira ngu nikwo bariba. "Bahabise entoore kyaba nikibaasika." Nikyo ekkyo.

84 Yetegyereze eki hati. Kandi kuruga aho, reero, haija Haamu, Haamu n'omukazi we, hamwe n'abo abandi. Akaba yaakyenirwe. Okuruga omuri Haamu hakaija Nimuroodi, owaayombekire Babulooni. Okuruga omuri Babulooni haija ekanisa Enkatoriki, okutandika kwayo. Yaija okurabira omuri Ahabu. Yaashuma okuruga ahari Ahabu, yaataaha omuri Yuda Iskaryota; yaahendera omuri antikristo.

Kandi omu biro ebi eby'aha muheru, ngugu hanu omwoyo gwa antikristo n'Omwovo wa Kristo. Omwoyo gwa antikristo nigugira guti, "Ebiro by'ebi'amahano bikahwaho." Omwoyo wa Kristo naagira ati, "Kristo tahinduka; oku abaire ari nyomwabazyo n'eriizooba nikwo ari, kandi nikwo ariguma ebiro byona." Omwoyo gwa antikristo nigugira guti, "Tikirkureetaho ntaaniso yoona n'obu waakubatizibwa omuri 'Ishebona, Omwana, Omwoyo Orikwera,' kukushukaho, kukumiisiira, kyona eki kiri, nikimanyisa ekintu kimwe." Baiburi neegira ngu Ruhanga tashobya, kandi Tarikubaasa kuhinduka. Nooza kuheereza oha? Kiri ahariiwe.

85 Hati noogira oti, "Nibabaasa kutuura hamwe? Ogizire, ngu, okwo omuri egoo meeri, Ow'eishe-emwe Branham, obaire oinemu Haamu na Seezi bombi." Nikwo kiri, kihikiire kimwe. Haamu akaba ari mubi. Seezi akaba ari omunyadiini kandi ahikiriire. Kare.

Ka tukuratire Haamu. Kare, hati, mbabo aho Haamu na Seezi omu meeri emwe; omwe ahikiriire, ondijo tahikiriire. Hakaba harimu ekikoona n'enkombe omu meeri emwe. Hakaba harimu Yuda na Yesu omu kanisa emwe. Hakaba harimu antikristo n'Omwovo Orikwera omu kanisa emwe.

Kandi, eriizooba, emyoyo egoo niyo emwe neekora. "Baine enshusha y'okutiina Ruhanga, n'abanyadiini munonga, baine enshusha y'okutiina Ruhanga kwonka nibahakanisa Amaani Ge; abantu nk'abo obeetantare." Omwoyo Orikwera, naagamba ngu, "Yesu Kristo tahinduka; oku abaire ari nyomwabazyo n'eriizooba nikwo ari,

kandi nikwo ariguma ebiro byona." Nootoorana orubaju ki?

86 Antikristo naagira ngu Eki n'ekitabo ky'enyikiriza kusha. [Ow'eishe-emwe Branham yaayoreka Baiburi ye - Omur.] "Nituza kugarukamu Enyikiriza y'Entumwa." Nimpiga omubuurizi weena kungambira ahu Enyikiriza y'Entumwa erikushangwa omuri Baiburi: Niinyikiriza omuri Ruhanga, Isheboona ow'Obushoborozi bwona, Omuhangi w'eiguru n'ensi; Yesu Kristo, Omwana we. Niinyikiriza omu Kanisa Enkatorika Erikwera, okukwatanisa kw'abarikwera. "Egyo noogishanga hi omuri Baiburi? Kwonka nabwo nimugigarukamu omu makanisa gaanyu mahango g'Abametsodisiti, n'Ababaputisiti. N'enyegyesa ya sitaane, kandi baanabi b'ebishuba nibagyegeyesa.

87 Kandi nyine amatsiko ngu tindikubashaasha, kureka ekyo ninkihamisiriza ahari Tabirinaakuru egi. Imwe abari hanu omuri Tabirinaakuru ya Branham, mwetantare ebintu nk'ebyo. Ekintu kyona ekirkwikiririza omu kuteerana kw'abarikwera n'okubandwa emizimu. "Hariho omuteerani omwe owa Ruhanga n'abantu, kandi ogwo Muntu ni Kristo Yesu." [Ow'eishe-emwe Branham yaakongoota aha kituuti emirundi ena -Omur.] Tindikufayo ni Baamariamu bangahi abariho!

Nimureeba oku orwo ruzaaro rw'omukazi enyima okwo rwakozire? Nimureeba oku oruzaaro rw'omukazi rwatwairweyo?

Reeba eriizooba, omuri Amerika. Amerika n'oruzaaro rwa sitaane. Niki? N'eihanga ry'omukazi. Murahuriireho ngu, "Egi n'ensi y'omukazi." Nikwo kiri. N'eihanga ry'omukazi. Nibo barikutaho omutindo.

88 Nkaza eseeri hanu, enshumi nkye ehwiringire, omuri Switzerland. Abakazi nibagamba . . . Omukazi mukye, ojwiringire Omwoyo Orikwera akagira ati, "Nimumanya, ku ndaaze kuri omuri Amerika, nibagira ngu abakazi baine obugabe."

Naagira nti, "Ka nkugambire ekirkurugamu." Reero naatandika kumugambira.

Yaagira ati, "Oo, embabazi, tindikwenda ekintu kyona nk'ekyo."

Naagira nti, "Ekyo nikyo kirikurugamu."

Nimumanya, tibakora ebintu kuriya nk'oku bakora hanu.

Niki? Ka mboorekye ku Amerika eri omukazi. Aha kinushu kyaitu hariho ekishushani ky'omukazi. Buri kintu hanu n'omukazi.

89 Ngambira, tiharimu mabaara g'amaarwa agarikugasha omu ihanga, agaakubaasa ku . . . Noobaasa kuta amabaara g'amaarwa makumi ana omu rurembo oru, kandi otetu baamaraaya bashatu, abakazi abarikureebeka gye abarikwetogonyora nibashuumma omu ruguuto rw'omu rurembo; niboohereza abantu baingi omuri gehena, nibabarigira kubi, okukira amabaara g'amaarwa goona agu orikubaasa kuta omu rurembo. Ekyo kihikire buzima.

Mbwenu n'oha? N'omukazi. Omukazi niki? Niwe ruhanga wa Amerika.

90 Kwata bamwe ahari aba bazaani bakuru ba sineema; baija aha kandi bashwerwa emirundi ena nari etaano, batwire n'abashaija bashatu nari bana abatarikushushana omu bwire bumwe; kandi bumwe ahari obu butaboo bw'amakuru nibubaanika bubagambira, nibubateera ebishushani bajwaire busha aheeru hanu. Haza naimwe abaishiki bato mutwara abo nk'eky'okureeberaho kyanyu, (ahabw'enki?) ahabw'okuba nyoko owaakubandiize, obundi, nyokwenkuru owaakubandiize. Nimureeba ahu orwo ruzaaro rw'enjoka rurikukorera? Buzimazima, nikwo.

Kandi rukozire ki? Okutahikiirira ku kuraabe nikuhoorwa okuhitsya aha busingye bwa ikumu na buna, ahansi y'ebiragiro, okutahikiirira kuryaba kuta ku kurihoorwa omu biro ebi, obu oruzaaro rw'abahikiriire ruri haihi kuhwaho? Kandi Ruhanga akagira ngu obwire buryahika, ku yaakuba Atacwire omurimo bugufu, tiharibaasa kubaho n'omwe owaatsigara. Turi omu bwire bw'aha muheru.

91 Sherura abahikiriire ekiro eki; raba omu ndembo!

Oo, nooshanga baamemba b'ekanisa bari abeesigwa aha Babaputisiti n'aha Bapuresibateeri, n'abandi, nk'oku kirikubaasika. Kwonka tibaine kakwate koona na Ruhanga nk'oku wakame etakaine ak'okujwara enkaito z'orubaare. Tihariho eki Barikumumanyaho! Eki barikumanya kyonka . . . Ori Omukristaayo? "Ndi Omukatoriki." Ori Omukristaayo? "Ndi Omubaputisiti." Ori Omukristaayo? "Ndi Omupuresibateeri." Ori Omukristaayo? "Ndi Omupentekoote." Ekyo tikiine kakwate Nakyo.

Ori Omukristaayo ahabw'okuba Ruhanga, ahabw'embabazi Ze, akakujuna. Kandi Nookimanya. Kandi hariho ekihindwire amagara gaawe, kandi nootuura amagara g'omutaano. Kandi ori omuntu musya kandi ekihangirwe omuri Kristo Yesu.

92 Buzima.

Kwonka nooreeba ahu orwo ruzaaro rw'enjoka ruri? Oruzaaro rw'enjoka rukaba ruri ki? Okushambana. Nimwetegyereza? Okushambana na Haawa. Ekyarugiremu niki? Ekyareetsire ekyo niki? Eriizooba niki?

Reeba enyima okwo, emyaka mikye ehwiringe, obu ekyeshongoro ky'okubanza kyashohora. Imwe abantu abakuruho, obu e . . . Bakaba bashwijuma ebyeshongoro batakabiikiriize kweshongorwa ahari rediyo. Kandi ekyabandize kushohora, kikaba kiri ekyo ekyo, "Mubihinye, baishiki 'mwe, mubihinye, mworekye entegye zaanyu nungi," na byona nk'ebyo. "Shekyerera taata na maama, kandi mubahe boona 'ha-ha-ha!'" Ekyo nikyo ky'okubanza eki baikiriize kutaahamu bwesherekye. Nimuteekateeka ngu omuntu ogwo arahi ekiro eki owaahandiikire ekyo kyeshongoro? Akafa.

Nimuteekateeka ki ahari Clara Bow, owaizire okubanza kandi akagira ati, "Egyo Mirreebekyere y'Akabi," n'okwo kujwara busha okwayohereize enkumi n'enkumi z'abantu gehena? Nimuteekateeka ngu arahi ekiro eki? Akafa ira. Arahi hati, n'ogwo mubiri gwe? Gurambiire okwo, gujundiire omu mucuucu, obukooko n'enyogori bikagurya byagumaraho. Kandi amagara ge gari okwo omu maisho ga Ruhanga ohikiriire.

93 Arahi ogwo mushaija owaatware ogwo mukazi akamubaziirira ebyo bijwaro ebya ira ebirikureebeka kubi ebi barikujwara, ebirikubakwatiraho orubaju rumwe n'orundi, kandi bitabahikye? Mbwenu shi ahabw'enki baakikozire? Ahabw'enki noojwara ebintu nk'ebyo? Ahabw'okuba nooyenda ngu abashaija bakureebe, kandi tihariho obundi buryo bw'okukihamba. [Ow'eishe-emwe Branham yaakongoota aha kituuti emirundi mingi - Omur.]

Beitu noomanya ngu ku orikukora ekyo, omusiisi enshoberwa akakureeba, noomanya ekyakorwa? Aha Kiro ky'Orurbanja . . . Noogira oti, "Ow'eishe-emwe Branham, ndi omwesigwa aha mushaija wangye nk'oku ndikubaasa." Oryasingwa orurbanja rw'okushambana. Yesu akagira ngu, "Orikureeba omukazi akamwetenga, biri aherize kumushambanaho omu mutima gwe." Ogwo mushaija ku aribuuuzibwa ahabw'okushambana, n'oha oriba yaakiretsire? Omuringo ogu waajwairemu n'oku waayeyorekire.

Hati, tindikumanya ngu osuemereire kujwara nk'ekintu ekindi kuruga omu kibokisi eky'ebintu ebya ira. Kureka, noobaasa kureebeka kurungi okukiraho nk'omukazi w'ekitiinisa.

94 Reero oshohore aheeru aha ojuure, obujwaro bwawe bugufu munonga, oyetsibeho akenda kakye batyo; n'omwemereere waawe aine amaisho agarikushusha nk'akatureeyi ka sigara, na sigara omu kanwa kaawe, nooshuumu omu ruguuto rw'omu rurembo. Ekyo torikukikora ahabw'ekigyendererwa kirungi. Noobaasa kuba ori omwesigwa aha kintu ekyo, kwonka sitaane naakukoresa nk'ekikozeso nk'oku yaakozire Haawa.

Ahabw'enki riri eihanga ry'omukazi? N'ahabw'okuba niryorekyerera kyarimwe kutegyekwa Obukatoriki. Ebiro ebi niki? Tokaabahurira nibagamba Yesu. "Kasingye Mariya! Mariya, nyina wa Ruhanga! Cecilia Omuhikiriire!" Abahikiriire b'emiringo yoona, abahikiriire abaafire. Hanu enshumi nkye ehwiringe, eifo omuri . .

95 Nkaba ndi ifo omuri Mexico, omwaka oguhweire. Ngugu hanu yaija omukazi enshoberwa, naayekurura. Amaju ge, geekurwize batyo, n'oruuhu; naarira, kandi aimukize emikono ye. Kandi ishe naaribata aho, aheekire abaana bato babiri, nibarira; nyina naashaasha munonga; 'habw'okuba omukazi omwe, ou barikweta omuhikiriire, akafa. Bakaba bataire ekishushani kye ekibaizire eruguru okwo aha kabungo. Nkunzi ye ekamwita. Kandi ahonaaho ku yaitsirwe atyo, tihariho kubanganisa, akaba omuhikiriire; akaba ari Omukatoriki. N'ahabw'ekyo obwo akaba naagyenda, kuza kucucuka; kandi kikamwetaagisa kwekurura mailo ibiri, aha nkogoto, kuza kucucuka.

Ow'eishe-emwe, ku haraabe hariho ekintu kimwe eki nsuemereire kukora, Yesu Kristo akafeera busha. Nkajunwa, ahabw'embabazi; kandi ti a-ahabwangye, kureka n'ahabw'okukunda kwa Ruhanga, n'oburungi bwa Ruhanga.

96 Abashaki b'amakuru bakambuuza, baagira bat, "Omw. Branham . . ." O-ogwo mwana muto, owaabaire afiire akaba yaaheza kuzooka, n'ebintu bikye aho. Abakatoriki emitwaro eshatu . . . Ngaaha, munsaasire. Bakaba bari emitwaro ebiri. Emitwaro eshatu n'omuri Afrika. Abakatoriki emitwaro ebiri bakaakira Kristo nk'Omujuni waabo, omurundi gumwe, obu ekyo kyabaho, beemereire okwo omu Rurembo rwa Mexico. Kandi abo basaserdooti, tibarabaasize kugamba ekintu kyona; baangi munonga, kutandika akaimukiriro. Bakaba bari baangi munonga abarikushagika. N'ahabw'ekyo yaagira ati, "Omw. Branham, noikiriza ngu abahikiriire baitu nibabaasa kukora ekintu nikyo kimwe eki orikukora?"

Ahabw'okumanya enyegyesa yaabo, naagira nti, "Buzima, ku baraabe bahuriire?" Mwareeba? N'ahabw'ekyo, torikubaasa kuba omuhikiriire w'Abakatoriki otakafiire.

N'ahabw'ekyo yaagira ati, "Oo, torikubaasa kuba omuhikiriire otakafiire."

Naamubuuza nti, "Ekyo nookishoma nkahi? Paulo akagira ati, 'Aha barikwera abari Efeso,' n'abo abaayetsirwe Ruhanga. 'Aha barikwera abari Efeso,' akaba naashoma ebaruha ye; kandi abarikwera abari omu myanya endiijo, omuri Galatia, n'a-n'abarikwera abari Rooma,' n'ahandi. Abarikwera, 'abeeziibwe.' Mbwenu shi ekyo?"

97 Yaagira ati, "Buzima, hati, titusuemereire kuhakana ahari Baiburi. Ahabw'okuba, niitwe ekanisa, kandi n'eki ekanisa erikugamba. Titurikufayo eki Baiburi erikugamba. N'eki ekanisa yaagambire." Ati, "Mbwenu nooteekateeka ki aha kanisa Enkatorika?"

Naagira nti, "Ekyo kuri otaakimbuuza. Habw'okumbuuza, hati naaza kukugambira Amazima."

Yaagira ati, "Mbwenu, niinyenda ngu ongambire Amazima."

Naamugarukamu nti, "N'omuringo gw'okubandwa emizimu ogurukukirayo ogu ndikumanya."

Yaagira ati, "Ekyo nookitunga ota?"

Naagira nti, "Ekintu kyona eki abaafire barikutonganirira n'okubandwa emizimu." Naagira nti, "Orikwera ogwo ku araagarukyemu, obwo ari okuzimu. Ahabw'okuba, abo abaayambukire seeri, Baiburi ya-yangye neegira ngu tibarikubaasa kugaruka." Ekyo kihikire. Reero naagira nti, "Ku kiraabe kiri kityo, ku araabe yaabaire ari orikwera; ni daimoni orikugamba nk'orikwera, kwonka tari orikwera, n'obu kiraabe."

Reero yaagira ati, "Kare, hati, b'orekireho kakye." Ati, "Naimwe, abaafire nibabatonganirira."

Naamubuuza nti, "Nkahii?"

Yaagira ati, "Yesu Kristo akafa."

Naagira nti, "Kwonka akazooka. Tafiire. Kureka Ahuriire, okutonganirira, kandi niwe omuteerani omwe wenka owa Ruhanga n'abantu."

"Niinye owaafire, naagaruka naaba ohuriire, kandi ndi ohuriire ebiro byona. Nyine ebishumuruzo bya rufu n'okuzimu." "Weena orikwenda aije anywhere busha amaizi g'Amagara." Mugyenzi! Ogwo niwe Ruhanga waitu. Ogwo niwe Ruhanga waitu.

98 Kandi oruzaaro rw'abahikiriire ruri haihi kuhwaho. Gambira abantu aha bintu ebi. Gambira abantu kugaruka omu muhanda gwa Baiburi. Gambira abantu aha by'amahano. Gambira abantu ahari ebyo. "Ekanisa yaabo Terikukiikiriza," n'ahabw'ekyo n'abaana ebizaarwa, ahari Ruhanga. Baiburi neegira ngu ku turaae tutarikubaasa kugumisiriza okuhiigwa, n'okugyezibwa, okushungisibwa, n'okwetwa "abarikwera abeeckuringa ahansi" n'ebindi nk'ebyo; ku muraabe mutarikubaasa kubigumisiriza, muri abaana ebizaarwa, timuri baana ba Ruhanga. Baiburi nikwo erikugamba.

Nyeta "orikwera oyekuringa ahansi," ku oraabe nooyenda. Nyeta kyona eki orikwenda. Obwire bwona omutima gwangye gwaba guri gye na Ruhanga, n'obumanyi bwangye nibwikirizana na Baiburi ya Ruhanga, ningumirizamu kimwe orubaju oru rumwe.

99 Eego, sebo. Ekyo nikyo turikwikiriza. Egyo niyo Kanisa ya Ruhanga ohuriire, etarikwija ahabw'enyegyesa y'ediini. Terikwija ahabw'obwengye bw'obuntu, obugunzirwe abantu. Buzimazima neija neerabira omu Mazima agashuurvirwe ngu Yesu Kristo n'Omwana wa Ruhanga.

Kuri nyine obwengye bw'obuntu bwonka, ahabw'okuba ekanisa y'Ababaputisiti, nari ekanisa y'Abametsodisiti yaanyegyeise ngu ebintu ebi n'ebi; kunu ndikuhrira Baiburi egi, Baiburi ku eraabe . . . Kuri naabatiziibwe omu iziina rya "Ishebona, Omwana, n'Omwoyo Orikwera," haza nkashoma Baiburi egi, reero omubuurizi akangambira ngu tihariho muntu n'omwe omuri Baiburi owaabatiziibwe omu Iziiua rya Yesu Kristo, kwonka nyowe nkakishoma nkareeba ngu n'Amazima, nkaaza omu maizi jubajuba nk'oku ndikubaasa. Eego, sebo.

100 Omuntu kuri nangambira ngu-ngu Yesu Kristo akaba ari omutambi mukuru; kwonka ekanisa yangye ekangambira ngu, "Obwire bw'ebi'amahano bukahwaho," kandi nyine ekyetengo ky'okutambirwa; nkairuka jubajuba nk'oku ndikubaasa, nza ahari egyo rutaari, kutambirwa. Buzima nkaakikora.

Ku naakuba ndi omubuurizi, kandi nyine o-omukazi omubuurizi aha kituuti kyangye, haza nkashoma omuri Baiburi egyo nkareeba ngu omukazi tashemereire kubuurira, nkaamwihaho, n'obu ekyo kyakutuma naihwaho oruhu.

Niinyijuka, nshutami enyima aho ahu Ow'eishe-emwekaza Wright ari, ekiro kimwe, obu omukazi yaabaire naayenda kunshohoza aheeru ahabw'okukora ekintu nk'ekyo. Eego, sebo. Nkagira nti, "Tokaataaha omu kanisa yangye ojwaire ekyo ekya ira . . ." Obu baabaire bajwara, nari bashara munonga ebiteeteeyi byabo ahansi nka bati, hamwe n'ekintu ekyo ekirkushetsya, kandi haihi ekicweka kimwe kya kabiri ky'emibir yaabo kijwaire busha. Naagira nti, "Obwire bwona baija omu kanisa yangye, buzima nimbasohohoza aheeru." Reero omuhiri gumwe mukye ogukuzire ahaifo hanu, ogwo mukazi akafa obwire bukye ahanyima y'ekyo; kandi akantumaho, ariyo naafa. Akaba ari omwishiki Omukatoriki, akaija aho yaashutama ahansi ajwaire atyo ekyo kintu. Nkaranza enyima naamureeba, ashutami ahaiguru hanu, kandi bakaba nibeeshongora. Nkajuura ekooti yangye, naaza enyima okwo, naagita aha mabega ge. Naagira nti, "Nyabo, ku oraabe noozza kumpurikiza ndikubuirira, nyaabura 'we jwara ekooti egi obwire obu ori omu kanisa ya Ruhanga."

101 Mwareeba? Buzima.

Akaruga aho naateera emitsindo, reero yaakurura egyo minwa mikye. Yaashohora yaaruga omu kyombeko. Yaagira ati, "Ku araabe aine ediini, tinkaikiriza ente yangye kugira ediini nk'ekyo."

Naagira nti, "Otafayo, terigigira."

Obwo tukaba twine eihema, baanyeta ku yaabaire naafa. Akateerwa omutima, kandi akaba naafa. Iba yaija. Yaagira ati, "Ija juba!" Kandi nkaba ndi omu ruteerane. Omutsigazi muraingwa, muhango, ayemereire aha muryango, antegyereize. Reero nairuka nk'oku . . .

Nkaza omu motoka yangye naayehuuta kuzayo. Ku naabaire niinyinamuka, naabugana naasi ogwo omukaikuru aheeru aho, orikutuura eifo omuri Howard Park, na hati. Yaagira ati, "Reverenda, tihariho kyetengo ky'okwija." Ekyo kikabaho nk'emyaka makumi abiri ehweire, obundi n'okukiraho kakye. Yaagira ati, "Yaafire." Yaagira ati, "Haahwaho nk'edakiika ishatu afire." Ati, "Yaayamuza munonga nk'oku arikubaasa, naakweta." Ati, "Nyine obutumwa bwawe."

Naagira nti, "Ot'enki?"

Yaagira ati, "Mugambire ogwo mubuurizi, ngu ekyo eki naagamba, 'Ninshaba ngu ansaasire."

102 Naataahamu kumureeba. Omukazi murungi; kandi akaba ashaashire munonga. Akaba aine obutonaatone bukye aha nyindo ze; omukazi oboneire. Kandi obwo butonaatone, bukareebeka orikushusha oti, buzimbire. Kandi amaisho ge gakaba gatunukireyo omu binonko, kandi gakaba gahindukiire ekicweka kimwe. Tihariho kubanganisa, amara ge n'entsigo bikaba bishohoize, n'ekyoya kikaba nikicumbuuka omu kitanda hoona, batyo.

Reero iba yandeeba, yaagira ati, "Ow'eishe-emwe Branham, gamba eshaara, 'habw'okuba yaaba naayenda kukureeba."

Naamugira nti, "Okumushabira hati tikiine mugasho."

"Ei omuti guhengamira, okwo niyo gugwa." Mwareeba? "Mutabeihwabeihwa; Ruhanga tagaanizibwa. Ebi omuntu abiba, nibyo agyesha."

103 Nimureeba ahu kiri? Hati habaireho ki? Reeba omukazi orikubaasa kukora ekyo. Reeba abakazi abaatwireho enyima okwo, omwishiki omuzini wa disiko, muhara we akaba ari ki? Omukazi w'omutindo. Muhara w'omukazi w'omutindo niki? Omunyeeto omuzini wa disiko. Muhara we aryaba ki? Aha! Niki?

Nimureeba oruzaaro rw'ohikiriire?

Mwereebe imwe Ababaputisiti. Mugarukye enyima obwire bukye obuhingwire. Mugarukye enyima ahari John Smith, omutandiki waanyu, imwe Ababaputisiti. Obwire obu yaashabiire okutahikiirira kw'abantu, okuhitsya obu, yaatakire kandi akashabira abantu okuhitsya obu amaisho ge gaazimbire akahuma, kikeetaagisa omukazi we kumuriisa kyantsya ye, aha meeza.

104 Naimwe Abametsodisiti abari haihi hanu, mwine amahunde omu nyindo zaanyu n'omu matu gaanyu, reero mushusha nk'obutebe bw'okushutamaho bwa sitaane; muza aheeru, mujwaire ebijwaro bigufu munonga, n'ebantu nk'ebyo! Kunu, omugurusi John Smith, omwe aha bakuru b'ekanisa y'Abametsodisiti, atakafiire ahikize emyaka makumi munaana na itaano, akabuurira eishomo rigufu ry'emyaka ena . . . eshaaha ina. Kikabeetaagisa kumuterura bakamuta aha kituuti. Kandi ebi nibyo bigambo bye eby'aha muheru. Akagira ati, "Ebikorwa by'ekanisa y'Abametsodisiti byankangaranisa munonga." Ati, "Abaishiki b'ekanisa y'Abametsodisiti nabo nibajwara empeta z'ezabu aha nkumu zaabo." Akaagamba ki hati, bajwaire ebijwaro bigufu munonga, nibeeshongora omuri kwaya?

Mukairuka kurungi. N'enki ekyabaireho? Nimutwaza nka nyoko. Buzima nikwo kiri.

Egyo niyo nshonga tutarikwenda ekintu kyona eky'ebi bigombe by'amadiini kuguma ahari eki, nari kwetaho amaziina ngu, "Turi Abametsodisiti. Turi Ababaputisiti." Turi aba Kristo wenka. Kirekye otyo, ogire obusingye.

105 Hati, nimureeba oruzaaro rw'enjoka? Hati omukazi nk'ogwo akaashashura ki hati? Ekyo kikaakora ki? Enki? Bakagumizamu, nibaizira kimwe. Baatsindika Ababaputisiti baabagarura enyima. Baatsindika Abametsodisiti baabagarura enyima. Baatsindika Abapuresibateeri baabagarura enyima. Bakakora ki? Boona bakagarukira kimwe enyima, nka nyinabo, maraaya owa ira. Boona okwo niyo bari, nibakora obushambani nibwo bumwe. "Mbweni, tikirikureetaho entaaniso yoona. Baibikirwe omu maizi. Baamiisiirwa omu maizi. Bo, baizire, baayatura. Baamazire ameezi mukaaga gaabo g'okwezibira; batanywe munonga omu bwire obwo, n'ebindi. Bakaba baamemba barungi. Nibashashura kurungi omu . . ." Oo, mugyenzi! Ekyo tikiine kakwate koona n'ebiana by'Omwoyo.

Ebyana by'Omwoyo "n'okwikiriza," kwikiriza Yesu Kristo otahinduka; oku abaire ari nyomwabazyo n'eriizooba nikwo ari, kandi nikwo ariguma ebiro byona; "okukunda" ab'eishe-emwe; "okushemererwa, obusingye, obutaruha, oburungi, okutwaza gye, okugumisiriza, obucureezi, okwerinda." Nibyo ebyo, ebyana by'Omwoyo.

106 Kandi nitureeba omuntu tugira tuti, "Mbweni, na-naatuura amagara marungi omu bataahi." Na Esau nikwo yaabaire ari.

Esau tarakozire kubi muntu weena, kandi Esau akaba ari owa sitaane; kwonka Yakobo, owaarugire omu nda emwe nawe, akaba ari owa Ruhanga. Oruzaaro rwa sitaane; Oruzaaro rw'omukazi, nimwo Oruzaaro rwa Ruhanga rwarabire.

Hati, nimureeba, byona bihikire ahari eki, aha kitsigaire omu nsi niki eriizooba? Eki naaza kukigamba nkazire munonga, kukihamisiriza, reero nituza kutandikaho okusisiimuka ahanyima y'eki, omu ruteerane oruraakurateho. Kihikire omu mbeera. Kandi, nyaabura 'mwe, eki tindikukigamba kurogota. Tindikukigamba kuba mubi. Kihikire ahu, kiri ekibiina kihango, ky'abanyadiini ebizaarwa, abaana b'ebinyandaaro. Ebyo nibyo bigambo byangye by'aha muheru.

107 Buzima aho niho kihikire. Nimumanya ekyo ku n'amazima. Kihikire ahu kuri okwegaita aha kanisa n'okuba baamemba b'ekanisa, "Baine enshusha y'okutiina Ruhanga, bahakanisa Amaani Ge," okuhitsya obu bahikire aha kuba ekibiina ky'abaana ebinyandaaro, abanyadiini. Buzima okwo nikwo kiri.

Ekindi ekitsigaire niki? Hariho ekikompora ekirikureereeta okwo seeri, bingi, zaabomu za kboruti n'ebindi byona. Bitezgyereize egoy shaaha kuhika. Reero habeho okucwekyerezibwa omuriro, nk'oku habaireho okw'amaizi.

108 Kandi, banywani, eki muraakore kyona, ku oraabe ori Omukristaayo kandi oine Ruhanga omu mutima gwawe, kandi orikumanya ngu orugire omu kufa waataaha omu Magara, oshemereire kuba omuntu orikukirayo kushemererwa omu nsi yoona. Obu Omwoyo Orikwera omuriwi . . .

Baiburi ku erikugira ngu, "Yesu Kristo tahinduka; oku abaire ari nyomwabazyo n'eriizooba nikwo ari, kandi nikwo ariguma ebiro byona."

Ebigombe by'amadiini byo nibigira biti, "Kwonka itwe nitwikiriza ngu eby'amahano bikahwaho."

Omwoyo Orikwera naagira ati, "Amiina. Yesu Kristo tahinduka, oku abaire ari nyomwabazyo nikwo ariguma ebiro byona. Kibe kityo."

109 Baiburi ku eraabe neegira eti, "Mweteise, mwna mubatizibwe omu Iziina rya Yesu Kristo, mubone kusaasirwa ebibi, nimwija kuheebwa Omwoyo Orikwera. Ahakuba okuraganisibwa oku n'okwanyu, n'okw'abaana baanyu, hamwe n'Abanyamahanga, boona abari hare, omuntu weena oryetwa Mukama Ruhanga waitu . . . omuntu weena oryetwa Mukama Ruhanga waitu." Mwareeba? (Atari, "omuntu weena oryetwa Abametsodisiti, oryetwa Ababaputisiti.") Kureka, "Omuntu weena oryetwa Mukama Ruhanga waitu, aryaheebwa Omwoyo Orikwera ogu, kandi abatizibwe omu Iziina rya Yesu Kristo." Nikyo Baiburi erikugamba.

Ekyo ku orikukishuuuirwa, noogira oti, "Amiina."

Ekanisa neegira eti, "Oo, tikirikureetaho ntaaniso yoona."

Kwonka Omwoyo Orikwera ogu ori omuriwi, naagira ati, "amiina" aha Kigambo Kye. "Omuntu tatungwa by'okurya byonka, kureka Ekipambo ekiruga omu kanwa ka Ruhanga." Nikyo ekyo.

110 Niinyenda muunyorekye Ekyahandiiwe kimwe ahu kiragambire ngu ekijuma kya apo nikyo kyatandikireho ekintu eki hati. Niinyenda muunyorekye ngu bakarya ebijuma bya apo. Naabooreka ahu Kaini yaateekateekire ekintu nikyo kimwe, kandi n'ahu oruzaaro rwe na hati niruteekateeka ekintu nikyo kimwe.

Kwonka okushuuuirwa kw'omwoyo kwa Ruhanga nikuhamya, kurabira omuri Baiburi, ngu kukaba okukora eby'omubonano kw'omushaija n'omukazi, batakiriziibwe. Aho niho ebikaaka byanyu byakomookire. Aho niho ekibi kyanyu kyarugire. Aho niho okusiisikara kwanyu kwarugire. Aho niho byatandikiire.

Hati mwetegyereze omuri ebi-ebi byona, mureebe, e-enjoka ekaba eri enyabwengye okubazamu kabiri. Oruzaaro rwayo burijo rutuura ruri orunyabwengye okubazamu kabiri. Kandi nkaayenzire kutemba aha kituuti eki reero nkajakura ogu muzindaaro omu ngaro zangye, [Ow'eishe-emwe Branham yairiza haihi omuzindaaro - Omur.], nkahamiza ebigyere byangye aha kituuti, hazza nkagamba eki. Mbwenu, eriizooba, abanyabwengye munonga baanyu barahi? Omuriisa waanyu ogyenzire akatunga obwengye bw'obuntu bwingi munonga, naayemerera; n'omuriisa w'amakanisa mahango munonga agaraho omu ihanga, n'ebindi nk'ebyo. Oruzaaro rw'enjoka ruri nkahi? Omu myanya y'abanyabwengye abarabukire munonga nk'abo; abarabukire omu bwegyese. Aho niho ari. Aho niho arikushangwa.

"Ti habw'obushoboorozi, ti habw'amaani, kureka n'ahabw'Omwoyo Wangye, nikwo Mukama arikugira." Mwareeba? Aho niho ori . . .

111 Reero nooreeba ow'eishe-emwe mukye oyemereire aho aha nshonda, naalira munonga, obundi ayemereire eifo okwo naateera endongo ekuzire, naagira ati, "Ow'eishe-emwe, ija, osherure Mukama!" [Ow'eishe-emwe Branham yaakongoota aha kituuti rimwe -Omur.]

Omuriisa arabeho, agire ati, "Ha! Tinkaha orusa abashomi bangye . . . Ahabw'enki, tinkaakwatanisa nabo, tinkaikiriza abangye . . . tinkaayenzire ngu Liddy na Johnny n'abandi bandeebe haihi n'omwanya nk'ogwo."

Gumizamu, iwe ruzaaro rwa sitaane 'we, oyorekyereire omuheru gwawe Ogutahwaho, oku biri kwona. Ekyo kihikire. Nkaabaire ningamba ekindi kigambo aho, ngira nti, "abaana ebinyandaaro," kandi aho niho kiri haihi kuhika. Ahakuba, nimureeba, ni . . .

"Tihariho orikubaasa kwija Ahariinye Tata yaaba atamwiriize haihi. Kandi boona abarikwija Ahariinye, Ndyabazoora aha kiro ky'aha mperu. Tihariho ekiribura. Nkiine. Ndyakirinda. Tihariho muntu orikubaasa kukikora, kureka Eki."

Byona biri Omuriwi. Torikubaasa kugira oti, "Nkakora ekintu kimwe." Byona bikakorwa embabazi za Ruhanga. N'ahabw'ekyo, tihariho eki naakozire. Nkaba ntaine ky'okukora; naiwe, okaba otakiine. Okaba otashemereire kintu na kimwe. Byona ni Ruhanga owaabikozire. Torataire akakumu kaawe aha kacweka kamwe kakyo. Toragizire oti, "Mbwenu, ninduga omu ka nungi. Nkakora eki." Ekyo tikiine kakwate koonanakyo. Ruhanga niwe yaakikozire; embabazi za Ruhanga.

112 Munsasire hati, tizikahikire shaaha itaano zonyini, kwonka naaza kumara, n'obu kiraabe. Mwareeba?

Ni bangahi abarikwetegyereza ku Baiburi erikugamba aha bantu ebi ngu n'Amazima; imwe abantu ba Tabirinaakuru ya Branham, okukira munonga? [Abateeraine baagira bat, "Amiina." -Omur.] Hati, ekyo ni nka kimwe kya ikumi na mukaaga ky'ebi turikwegyesa kandi tukaikiriza. Kwonka, mwijukye, imwe abatari ab'aha, nimbaasa kugamba eki, imwe bantu 'mwe abatarikwija hanu nka baamemba. Oku turikwikiriza eki, ngu Egi ni Baiburi, kandi Baiburi n'Amazima ga Ruhanga.

Kandi nitwikiriza, ngu, omu Ndagaano eya Ira, hati, bakaba baine oburyo bw'okumanyiramu agaabaire gari amazima n'agaabaire gatari mazima.

Hati, twena nitumanya ngu bakaba baine ebiragiro ebihandiikirwe. Ni bangahi abarikumanya ekyo? Ebiragiro, e-ebyaragiirwe bikaba biri omu shanduukye y'endagaano, n'ebindi; nikwo, n'ebiragiro aha byaragiirwe. Biti, "Otarishambana. Orishambana weena ateerwe amabaare." Mwareeba? Ebyo bikaba biri e-ebyaragiirwe, kandi ebiragiro aha byaragiirwe. Hati, eshanduukye y'endagaano ekaba eyemi eti; ebyaragiirwe bikaba biri omunda omwo, kandi ebiragiro by'ebyaragiirwe bikaba biri omu nshaho ezaabaire ziri aha rubaju rw'eshanduukye y'endagaano. Omuntu ku yaabaire aija hanu, yaashambaine; bakaba baranza ahansi hanu kureeba eki ebiragiro byagambire ngu, "mumuteere amabaare." Ahonaaho bakaba bamutwara aheeru bamuteera amabaare. Ekyo nikyo ebiragiro byabaire biri aha byaragiirwe.

113 Hati bakaba baine endijo mihanda ebiri y'okumanya. Burijo habaho eshatu, nk'eky'okuhamya. Bakaba baine ogundi muhanda gw'okumanya, kandi ogwo gukaba guri okurabira omuri nabi nari omurootsi. Ni bangahi abarikumanya ekyo? "Omuriimwe ku haraabe harimu ow'omwoyo, nabi nabi, omu birooto nimwo Nyowe Mukama Ndimwemanyisiza, kandi n'omu kworekwa nimwo Ndigambira nawe." Ekyo kihikire. Hati, akaba ari omuhanuuzi.

Hati, omuntu ku yaakwija aho, akagira ati, "Oo, haleluya, naakitunga! Nindagura hati omu Iziina rya Mukama. Nyine okushuururuirwa." Bakaba batakiikiriza kugumizamu kityo, nk'oku imwe mukora. Ekyo bakaba bakishwijuma na Ruhanga, okubanza.

114 Hati, aha ky'aha kifuba kya Arooni bakaba baineho eki baabaire nibeeta Urimu na Tumimu. Ni bangahi abarahuriireho ekigambo ekyo? Kikaba kiri ki? Gakaba gari amabaare ikumi n'abiri, mukaaga ahari buri rubaju, ga baatatenkuriitwe ikumi na babiri; Yasiipi, Yuda, n'ebindi, n'okugumirizamu kimwe, ago mabaare ikumi n'abiri. Reero batwara nabi ogu, nabi omurootsi, bahanika eky'aha kifuba eki ahaiguru, reero bamwemereza aho. Bagira bat, "Hati ragura kandi ogambe obunabi bwawe."

"Mukama agambire naanye kandi agambire ekintu nanka na nanka."

N'obu bwabaire bureebeka buri obw'amazima buta, obundi bukahurirwa buri nk'amazima gonyini; kwonka ebirikwaka ebyo ku byabaire biteeteerana bikakora erangi z'omuhanganzima gukaza aho, Urimu na Tumimu, ebirikwaka ebyo bikeejwanga hamwe, ekirengire eby'obuhangwa kikakora, kuhamya. Mwareeba, Ruhanga obutoosha ahamya Ekigambo Kye. Mwareeba? Kandi ebirikwaka ebyo ebirengire eby'obuhangwa ku byabaire bitamurika aho, obwo tindikufayo oku obunabi bwabaire bureebeka buri obw'amazima, bukaba buba buri ebishuba.

115 Omurootsi ku yaabaire agira ati, "Ndootsire ekirooto, kandi ekirooto eki kigizire ngu, 'Israeli eshemereire kugyenda ekaza omu mwanya nanka, 'habw'okuba Abasiria nibaza kutaahiramu aha rubaju oru kandi bagigote.'" Bakaba batwara ogwo murootsi eifo okwo; arootorora ekirooto kye. Ebirikwaka ebyo ku byabaire bitaaka aho, akaba aba agwire, n'obu haaku . . . N'obu Abasiria baakuba baaherize kuhika okwo omu rugamba, akaba aba agwire. Ngaaha, sebo. Bo, buzimazima, kikaba nikiteekwa kuhamibwa Urimu na Tumimu.

Hati buri omwe naamanya ngu obunyamurwa obwa ira bukahwaho, bwaihirwaho kimwe, kandi na Urimu na Tumimu ekahwaho nabwo. Ekyo nitukimanya, tikwo? [Abateeraine baagira bat, "Amiina." -Omur.]

Kandi obunyamurwa busya bukaba nibutaahamu. Ot'enki? Twine Urimu na Tumimu eriizooba? Eego, sebo.

Ekigambo kya Ruhanga! Eego, sebo. Nikyo eki. [Ow'eishe-emwe Branham yaayoreka Baiburi ye -Omur.] Omuntu weena ku araabe aine okushuuuruirwa kw'omuringo gwona, nari akagamba ekintu kyona, nari enyegyesa yoona etari nk'oku kandi ne- . . . kandi etarikwikirizana na Baiburi egi, omu Byahandiikirwe byona, agwire. Tindikufayo n'ow'ekigombe ky'ediini ki, ni murungi ata, arabukire ata, ashomire ata; agwire.

116 Kandi omuntu weena ku araakugambire ngu ebantu ebi, ebi twegyeise hanu omu kanisa hati, haza akakugambira, ngu, "Ku oraamiisiirweho amaizi, tikiine nshonga," naaba yaakugambira ekishuba. Ekyo tikirkwaka ahari Urimu na Tumimu. Ku araakugambire, ngu, "Okushukwaho amaizi tikiine nshonga," naaba yaakugambira ekishuba. Akugambire ngu, "Okubatizibwa omu iziina rya 'Ishebona, Omwana, Omwoyo Orikwera,' tikiine nshonga," naaba yaakugambira ekishuba. Ku araakugambire ati, "Obwire bw'eb'yamahano bukahwaho," naaba yaakugambira ekishuba. Ku araakugambire ati, "Kihikire abakazi kubuurira," naaba yaakugambira ekishuba. Ku araakugambire ati, "Tikiine nshonga iwe kugumizamu okahamira omu kigombe kyawe ky'ediini," naaba yaakugambira ekishuba. Tikirkwija kumurika ahari Urimu na Tumimu. Kandi n'ebantu bingi ebirikurugayo, omuri "NYINA MARAAYA," ogwo owa ira, n'okushuma kuri, kandi egyo niyo nshonga erikutuma twayetantara ekigombe ky'ediini.

117 Nitukunda ab'eishe-emwe n'ab'eishe-emwekazi bagyenzi baitu okwo omuri ebyo bigombe by'amadiini. Kwonka torikugyenda noogamba oti, "Ndi Omumetsodisiti," reero kikakuhindura Omukristaayo, ahariinye. Ori Omukristaayo ahabw'okuba ozairwe Omwoyo wa Ruhanga. Tikirkwetaagisa kuba Omumetsodisiti nari Omubaputisiti. Tikirkwetaagisa kuba omwe aharibo. Nooteekwa kuzaarwa Omwoyo wa Ruhanga kusha. Nimukiikiriza? [Abateeraine baagira bat, "Amiina." -Omur.]

Kurugiirira ahari egi misingle, omuntu weena ku araabe ari hanu kandi arikwenda kukwatanisa n'okutaaha omu kukwatanisa kw'okuramya oku, kandi arikwenda kwi-arikwenda kwibikwa, kubatizibwa omu Iziina rya Yesu Kristo, hanu hariho ekiyanja. Nibaza kubatiza, omu kaanya kakye.

Ku haraabe hariho omuntu weena, baingi hanu, omuntu weena orikwenda kwija, omu muringo ogundi gwona? Turi hanu. Ekyo kihikire.

118 Hati, ti-titwine obwa memba bwona; noiha hanu omu kanisa egi kwonka. Nitwikiriza ngu Kristo ari omu kanisa y'Abametsodisiti, ekanisa y'Ababaputisiti, ekanisa y'Abapuresibateeri. Aine baamemba omuri ezo zonna. Kandi ekirikuburaho, ebiro ebi; n'obunabi bw'ebishuba oburikwihayo ebantu ebyo, enyegyesa z'ago makanisa, ezirikhakanisiza kimwe Baiburi.

Hati, omuntu ku yaakunshoboororera Ekyo kurungi atyo, buzima nkaayetungiire . . . Niinyikiriza ngu nyine Omwoyo wa Ruhanga orikugasha omuriinye, kusherura omuri egyo Baiburi reero nkajia nkakitereeza. Kuri naagyenzire nkakwata omu ngaro z'omubuurizi, kandi akahandiika eiziina ryangye omu kitabo, kwonka nabwo nyine obwangani, n'eitima omu mutima gwangye, nkaguma nyine eihari n'entongane kandi nkaguma ntarikwikiriza ku Yesu Kristo ari omutambi mukuru, n'ebindi nk'ebyo, nkaagyenda nyetereeza na Ruhanga, jubajuba. Buzima niinyikiriza ngu nkaakikora. Nka-nkaaba omwesigwa ntio aharikyo. Nkaagyenda nyetereeza na Ruhanga. Kuri naaramatiireho ahabw'okuba ngu nkaba ndi Omubaputisiti, nari Omumetsodisiti, nkaagyenda ntunga Obukristaayo omu mutima gwangye. Nkaakikora. Eego, sebo.

119 Hati mwijukye oruteerane orurikwija, orurikwija kutandika, Mukama yaasiima, Orwakashatu oru orurikwija nyekiro. N'ahari egi misingle.

Muhurikize, banywani, hariho Ruhanga ohuriire w'amazima. Ekyo kihikire. Yesu Kristo n'Omwana wa Ruhanga. Omwoyo Orikwera ari omu Kanisa eriizooba.

Hati, kuri ekyo naakigambiirwe omuntu kwonka, nkaabaire nyine obugabe bw'okukibanganisa. Kwonka, muhurikize. Eizooba rimwe okwo eseeri, ndi omwojo muto, nkaba nyemereire ahansi y'omuti, Naamureeba. Naamuhurira. Yangambira ati, "Oyetantare abakazi babi. Oyetantare zaasigara. Oyerinde kukoresa orurimi rubi, okunywa amhaarwa, n'ebantu ebi byona. Nkwiniire omurimo ogu orikora ku orikura." Nimmanya ngu ni Ruhanga oriho, ohuriire okoragana n'Ekgambo Kye.

120 Ku naakuzireho kakye, ka Yambugaine, ka Yaagambire naanye! Ka Mureebire okwo seeri, nk'orwo rushaka orurikwaka, n'ogwo Muriro nigwetooroora okwo seeri! Ka Mureebire naagamba kandi naamanyisa ebiribaho buzima; kandi, buri kaire, bihikiirira gye nk'oku kirikubaasika, kurungi munonga batyo.

Ogwo omwe ogamba ebyo bintu ebihikire batyo, niwe Ogwo Onyebembera kwegyesa Baiburi egi omu muringo ogu Ngyegyesamu. Ekyo kihikire. N'ahabw'ekyo, Nikiruga ahari Ruhanga. Ahariinye, ni Ruhanga ow'Obushoborozi bwona, kandi Tahinduka; oku abaire ari nyomwabazyo n'eriiizooba nikwo ari, kandi nikwo ariguma ebiro byona.

Yesu akagira ati, "Nkaruga ahari Tata, kandi ningaruka ahari Tata." Ku Yaizire . . .

Obu Yaabaire ari Ruhanga omu ihamba, Akaba ari Omushana ogurikwaka. Kandi ni bangahi abarikumanya ekyo? [Abateeraine baagira bat, "Amiina." -Omur.] Akaba ari Omushana ogurikwaka, Enyomyo y'Omuriro.

Kandi Akaija hanu omu nsi, Yaagira ati, "Nkaruga ahari Tata, kandi Ninza . . . Nkaruga ahari Ruhanga, kandi Ningaruka ahari Ruhanga."

121 Ku Yaafiire, akaziikwa, yaazooka, kandi Paulo omu rugyendo rwe naaza Damasiko Akamubugana, akaba Ari ki? [Omuntu omwe yaagira ati, "Enyomyo y'Omuriro." -Omur.] Na hati Akiri Enyomyo y'Omuriro. Eego, sebo.

Akakora ki obu Yaabaire ari hanu omu nsi? Akakora ki ku Yaabugaine Paulo? Akamutuma ata? Akamutuma ahari nabi owaamugambiire oku araabatizibwe, akamugambira eky'okukora; yaamutaho engaro yaamukiza, yaamugambira ku areebire okworekwa.

Yesu ogwo ari aha eriizooba, naakora ebintu nibyo bimwe, kandi na hati akiri Enyomyo y'Omuriro niyo emwe, naayegyesa ekintu nikyo kimwe, kandi naakihamya n'Ekigambo Kye, n'obumanyiso n'eb'y'okutangaaaza. Nyine okushemererwa kwingi ahabw'okuba Omukristaayo, tindikumanya eky'okukora. Nyine okushemererwa ahabw'okuba ori Omukristaayo.

122 Naimwe, Tabirinaakuru hanu, nkabagambira ngu eiziina eryo nituza kurihindura. Tikihikire kugyeta Tabirinaakuru ya Branham. Ogwo n'omuntu kwonka, mwareeba. Nituza kuhindura eiziina ryayo, tuyete eiziina erindi. Nituza kukihikaho, ahanyima y'akaanya kakye. Niinyenda ngu ebe e-ekanisa ya Ruhanga ohuriire kusha. Tindikwenda ngu ebe Metsodisiti, Baputisiti, Puresibateeri, Pentekoote. Ni . . .

Abantu abo boona, nimbakunda n'omutima gwangye gwona. Tinkaabataanuuramu.

Tindikubaasa kukugambira. Ninteekwu kubuurira Ekigambo kwonka.

123 Nintega akatimba bwanyima nkakurura. Harimu ebikyere, harimu ebitangura by'omu maizi, n'enjoka, kandi harimu n'eb'y'enyanja, nabyo. Ekyo kiri ahari Ruhanga kucwamu ekyo. Ninkurura akatimba kwonka, mbuurira Ekigambo kwonka bwanyima nkakurura, reero ngira nti, "Mbaba hanu, Mukama, boona beetooroire rutaari. Noomanya Abaawe; Okabamanya kwiha aha kuteebwaho kw'omusingye. Tinkaabamanya. Iwe noobamanya, n'ahabw'ekyo kiri Ahariiwe, Mukama. Ekyo nikyo kirikukirayo oburungi eki ndikubaasa kukora. Naaza kuza omu mwanya ogundi enyima hanu ntegye akatimba hati, reero ntaasyemu ekindi kibiina. Ekyo nikyo ndikubaasa kukora kyonka." Kare.

Oo, nimpurira naayenda kugumizamu orugyendo,

Nimpurira naayenda kugumizamu orugyendo;

Eka yangye y'omu Iguru neeyengyengyeta kandi eboneire,

Mbwenu nimpurira naayenda kugumizamu orugyendo.

124 Hati mwijukye, weena orikwenda kundeeba, ateeereere Omw. Mercier hanu esimu, nari BUTler 2-1519. [Enamba egi y'esimu ekahindurwa -Omur.] Nitwija kushemererwa kukureeba. Nkunzi zaawe ku ziraije, nooteekwa kurahuka kurugayo omu bwire bw'okusisiimuka . . . Hati naaza, kwehereera, okuruga ekiro eki, ngyende mare ebiro biri hati, ndi nyenka.

Ntaahamu nti reero ntandika kushoma, bati, "Mukama, Ondi haihi. Nimmanya ngu Ori hanu. Kandi Ekigambo Kyawe nikigira ngu Oirira haihi Abarikukwirira haihi." Nguma ninshaba kandi nindieba okuhitsya obu ndeeba egyo Nyomyo y'Omuriro yaatandika kwija. Obwo manya ngu obwire buhikire. Reero nz'aha kituuti omu saaviisi y'okutamba, okushaba, n'okukora eki ndikubaasa kuhwera abarwaire n'abarikubonabonesibwa.

125 Nitusiima oburungi bwanyu bwona hati. Kandi ku muraije, mwije nimwikiriza, kandi twine ekihika ky'okugira oruteerane rw'amaani. Niinyenda kugamba ngu . . .

Ow'eishe-emwe Jefferies, ari hanu ekiro eki? Nitwenda kusiima Ow'eishe-emwe Jefferies hamwe n'omurimo gwe. Ningira ngu yaagarukireyo omu birwa, n'ebindi.

Naashemererwa kureeba Ow'eishe-emwe n'Ow'eishe-emwekazi Wright, na baingi omuriimwe bantu 'mwe hanu.

Kandi naareeba puriida Robertson hanu, akaanya kakye akaahwaho, yaataahamu akaanya kakye akaahwaho. Naaba niinyenda kumusima ahabwa-ahabw'obutumwa obu yaabuurire ekiro kiri. Tihariho n'omwe owaamwanjwire; nkashwara. Akaba aine obutumwa burungi munonga aha bunabi, nk'ebi naaba nimbuurira ekiro eki.

Mbwenu, n'ahabw'ekyo, reero habaire hariho ondijo muheereza akasheeshe aka, nari ekiro ekihweire, Ow'eishe-emwe Smith, kuruga omu kanisa y'Abametsodisiti . . . nari kuruga omu kanisa ya Church of God, enyima hanu. Tindikumanya yaaba ari hanu ekiro eki, nari atariho. Ku orikwemerera aha kituuti eki reero okareeba enyima orubaju ruriya, kiri nk'ekigumire kumanya; hatereire, nooreeba, mbwenu torikubaasa kumanya. Ku oraabe ori hanu, Ow'eishe-emwe Smith, nitukusiima.

126 Kandi ogu, oshutami hanu hanu, ogu t'ow'eishe-emwe mukye kuruga Georgia, oshutami enyima hanu hanu

haihi n'Ow'eishe-emwe Collins? [Ow'eishe-emwe Neville yaagira ati, "Eego." -Omur.] Naashemererwa kukureeba hanu ekiro eki omurundi ogundi, ow'eishe-emwe.

Naimwe abandi, mwena, buri omwe naabamanya.

Niinyikiriza ngu ogu n'ow'eishe-emwekazi hamwe n'ow'eishe-emwe hanu abaagyenzire bakashabira ogwo mwishiki obwire buri, hanu hanu, dokita ashutami hanu aha rubaju. Mukama akuhe omugisha, dokita.

127 Hati, nyaabura 'mwe mutangwerwa kubi, imwe abaheereza n'ab'eishe-emwe, ahabw'omuringo ogu ndikuhamisirizamu eki n'amaani nk'oku ndikubaasa. Egi ni Tabirinaakuru yaitu. Ebyo nibyo twemerereire, kandi nitwenda ngu Tubite aha musingye gw'Ekigambo honyini, tubatengyetse Nakyo. Reero, ku waakuba waarugire aha musitaari, nituza kugaruka tugire tuti, "Okaba nookimanya kurungi. Nkiki hanu aha rutambi rw'amaraka." Mwareeba? Nikyo ekkyo. "Nkiki hanu aha rutambi rw'amaraka."

N'ahabw'ekkyo, Leo, twine ebindi bingi munonga ebishemereire kwongyerwaho. Kwonka, kwonka ni . . . Mwine bingi bityo. Mugumire kimwe n'Ebyo, naitwe nituza kutunga Ebindi ebyatsigara bwanyima y'akaanya kakye. Nk'oku ogwo muntu yaabaire ari, naarya wotameroni, akagira ati, "Buzima eggyo yaaba eri nungi, kwonka hakiriyo ekindi kicweka kyayo." N'ahabw'ekkyo twine Ebindi bingi ebikiriyo, na hati, ebirkwija.

128 Mukama abahe omugisha, munonga hati. Obwo tu . . . Twaza kugiraho saaviisi y'okubatiza hati hati. Tikwo, Ow'eishe-emwe Neville? [Ow'eishe-emwe Neville yaagira ati, "Yee, nikwo ndikugira." -Omur.] Hariho omuntu hanu orikwenda kubatizibwa hati hati? Titurikufayo ou ori; turi-turi hanu kubatiza. Mwimutsye emikono yaanyu, abo ababaire nibenda kubatizibwa. Omuntu omwe, niinyikiriza ngu abaire ari . . . Ngugu hanu omukazi hanu. Habaire hariho ondiijo? Hati, twine ebijwaro hanu by'abashaija n'abakazi.

129 Hati, titurikugira ngu, "Ruga omu kanisa y'Ababaputisiti. Ruga omu kanisa y'Abametsodisiti." Titurikugamba tutyo. Garukira kimwe omu kanisa yaawe. Kwonka ku oraabe otakabatiziibwe nk'oku Ebyahandiikirwe birikugira, omu Iziina rya Mukama Yesu . . . Ti mu Iziina rya "Yesu" ryonka, hati. Omu Iziina rya "Mukama Yesu Kristo," ebyo n'Ebyahandiikirwe. Obatiziibwe kubi.

Tindikwenda oburemeezi bwona ku ndihika ahari ogwo mugyera. Niinyenda ngu buri kintu kibe kiri gye nk'oku ndikumanya, naaba nkwaitse eggyo tikiti, mwareeba, 'habw'okuba niinyenda kutemba omu meeri obwire obwo. Naimwe nimbahabura kukora ekintu ekkyo.

Garuka omu kanisa yaawe. Ekyo kiri, ahagati yaawe na Ruhanga. Nikyo ekkyo kyonka eki ndikubaasa kukugambira.

Kwonka tihariho n'omwe omu Byahandiikirwe owaabatiziibwe omu muringo ogundi gwona kureka omu Iziina rya "Mukama Yesu Kristo." Kandi abo abaabatiziibwe, bakaragiirwa Paulo Orlikwera, owaagizire ati, "Maraika ku yaakubuurira ekindi kintu, akyeenwe." Yaabaragira kwija bakagaruka kubatizibwa, omurundi ogundi, omu Iziina rya "Mukama Yesu Kristo." Ekyo kihikire. Kandi akakikora. Kandi eki yaakozire, naitwe akatutuma ngu tukikore; kandi ekkyo nikyo turaakore, Ruhanga ku araasiime.

130 Nitwikiririza omu kunaabisa ebogyere. Nitwikiririza omu kusembera.

Nitwikiririza omu Kwija kwa Kristo okwa kabiri, omubiri gw'obuntu gwa Mukama, ogurikureebeka; atari Omwoyo, kureka omubiri gw'obuntu gwa Mukama Yesu naizira omu kitinisa omurundi ogundi.

Nitwikiririza omu kuzooka kw'emibiru y'abaafiire, kuheebwa omubiri, gutari ogukuzire ogwine emifunya nk'oku turikuziikwa omu kituuro; kureka omusya, omu kushemererwa kwingi munonga kw'obuto, kutuuraho ebiro byona.

Nitwikiririza omu kutafa kw'omwoyo, buzima kwo. Nitwikiririza ngu hariho omuringo gumwe gwonka gw'Amagara Agatahwaho, kandi ago n'Amagara agu orikutunga kuruga ahari Kristo Yesu. Ekyo buzima kihikire.

N'ahabw'ekkyo, titurikwikiririza omu kifubiro Ekitahwaho. Nitwikiririza omuri Gehena y'omuriro, okwaka kw'obuganga bw'ekibiriiti, kwonka titurikwikiriza ngu nigwaka ebiro byona; ku guraabe nigwaka gutyo, oine Amagara Agatahwaho. Hariho Amagara gamwe gonka Agatahwaho; ago nigaruga ahari Ruhanga. Ekyo kihikire. Oryayokibwa, obundi kumara emyaka miriyoni, miriyoni ikumi, tindikumanya, kwonka torikubaasa kugira Amagara Agatahwaho. Torikubaasa kutsya ebiro byona . . . Noobaasa kutsya ebiro byona, kwonka atari Obutahwaho. Mwareeba, hariho omutaano ahagati y'Obutahwaho hamwe n'ebiro byona. Ebiro byona ni ebiro n'ebiro, enshumiki, nikimanyisa "obwire nanka." Kwonka, Obutahwaho, toine ekifubiro Ekitahwaho.

Oine Amagara Agatahwaho, 'habw'okuba hariho omuringo gumwe gwonka gw'Amagara Agatahwaho. Kandi ogwo oine Amagara Agatahwaho, ahuriire kandi Ruhanga amuhaire omugisha ebiro byona.

"Kwonka omwoyo ogukora ekibi, ogwo mwoyo gurya . . ." Enki? [Abateeraine baagira batu, ". . . fa." -Omur.] Ekyo kihikire. N'ahabw'ekkyo, tigwine Amagara Agatahwaho. Buzima. Gwine-gwine ekifubiro kyagwo, kwonka ti Magara Agatahwaho.

N'ahabw'ekyo, nimureeba, hakiriho ebintu bingi by'okwegyesa, nitwija kubitunga ahanyima. Mukama abahe omugisha.

131 Hati ka tweshongore eki kyeshongoro kirungi ekya ira, obwo ow'eishe-emwekaza mugyenzi waitu ariyo naaza kuriya omunda. Niinyikiriza omukazi ogu hanu naabaasa . . .

Rosella, ogwo ni nyoko? [Ow'eishe-emwekaza Rosella Griffin yaagira ati, "Eego." -Omur.] Ahabw'enki, oheebwe omugisha! Naashemererwa kukureeba, ow'eishe-emwekaza, nookora ekyo. Ekyo ni kirungi munonga.

Rosella Griffin, omwe aha banywani barungi munonga ou twine. N'omukazi muto owaabaire ari ntabo-yaago; ahari bamwe omuriimwe abari aha, naabaasa kuba musya. Rosella tarikufayo naagamba ekyo. Obu yaija aha kituuti eruguru okwo aha-ahu . . . aharuguru hanu omuri Indiana. Ku oraabe orareebireho omuntu enshoberwa, akaba ari omwe aharibo, ntabo-yaago ogunukire amaisho. Ahu, baadokita bana bakuru ba Chicago baagizire ngu ni . . . Ekibiina ky'aba Ntabo-yaago, n'ebindi byona, baamurugireho. Kwonka ekiro kimwe ku yaizire omu ruteerane, Omwoyo Orikwera yaashuuura amagara ge kandi yaamugambiriraho eshaaha egyo. Ekyo kikamara.

Mumureebe hati, ninteebereza, aine nk'emyaka makumi ashatu n'omushobo, okaamubarira ikumi na munaana; empangare nungi, erikusheemeza. Takarozaga ahari wisiki okwiha obwo; takiine kyetengo kyayo. Atwireho ahabwa Kristo, naagyenda hoonahoona omu nguuto z'omu rurembo, buri hantu, naajurira ekitiinisa kya Ruhanga, aha basiisi na ba ntabo-yaago, hoonahoona omu myanya ey'abooro munonga omuri tauni, n'ahandi hoona, omuri Chicago, naagira eki yaakorera Mukama.

Akabatizibwa omu Iziina rya Mukama Yesu, mbwenu na nyina yaija ekiro eki kukora atyo; Ruhanga ku araabe yaabaasize kumutambira, Yesu ku araabe yaabaasize kumutambira . . . "

132 Eki muraagambe kyona n'eki muraakore kyona, byona mubikore omu Iziina rya . . . "

[Abateeraine baagarukamu bat, "... Yesu Kristo."] Ekyo nikyo Baiburi erikugamba. Ekyo kihikire.

Kare, hati twaza kugiraho saaviisi y'okubatiza. Twaza kuraaza etaara okumara edakiika nkye obwo turiyo nitweteguura ahabwa saaviisi, kubatizibwa, reero-reero tweteekateekyere obwire burungi omuri Mukama.

Nooza kwebembera saaviisi y'okubatiza ekiro eki? Kare, kikaabaire- . . . kikaabaire kirungi oyeteguura. Naaza kutandika, naaza kwebembera ebyeshongoro n'ebindi obwo turiyo nitugyenda omu maisho. Baaba niba- . . . [Ow'eishe-emwe Neville yaagira ati, "Hariyo ebijwaro enyima kunu, Doc?" -Omur.] Ebijwaro by'okubatirizamu, Doc, jubajuba. Kare.

Ka tweshongore kimwe ahari ebi birungi ebya ira . . . [Ow'eishe-emwe Branham yaayebembera okweshongora kw'abateeraine, obwo Ow'eishe-emwe Neville naabatiza ow'eishe-emwekaza -Omr.]

[Omwanya oguriho busha aha rutambi rw'amaraka -Omur.] Kandi tutakakozire ekyo, twaba nituruga aha, nituteekwa kukora ki?

Kutwara Eizina rya Yesu hamwe naitwe,

Nitugwa turambiire aha bigyere Bye,

Omugabe w'abagabe omu Iguru, nitwija Kumujweka ekirunga,

Orugyendo rwaitu ku rurihwa.

Kare, mwemerere!

Twara Eiziina rya Yesu,

Iwe mwana w'obujune n'enaku;

Nirija kukuha okushemererwa kandi rikuuumuze . . .

Naaza kubagambira eki turaakore. Hindukira kimwe okwatane omu ngaro n'omuntu ondijo aho, ogire oti, "Ori ota, ow'eishe-emwe? Buzima naashemererwa kukwatanisa naiwe."

Eiziina ry'omuhendo, O ka ni rirungi!

Matsiko g'ensi n'okushemererwa kw'Eiguru;

Eiziina ry'omuhendo, Eiziina ry'omuhendo, O . . .



[www.messagehub.info](http://www.messagehub.info)

Obutumwa obu bukabuuirirwa  
**William Marrion Branham**  
“... omu biro by'eiraka ...” Kush 10:7